

四庫全書薈要

• 乾隆御覽本

集部

欽定四庫全書薈要

集部

御選唐詩卷十二

詳校官原任主事

臣
李斯咏

御選唐詩卷十二

五言律

杜甫

春宿左省

雍錄宣政殿下有東西兩省別有中書門下外省又在承天門外兩省官

亦分左右各為廨舍唐書文藝傳肅宗立杜甫奔行在上謁拜左拾遺舊唐書職官志門

下左拾遺二員掌供奉諷

諫案左省乃門下省也

花隱掖垣暮

文昌雜錄唐殿廷多種花柳漢書呂后紀注掖門在兩旁若人之臂掖劉楨詩誰謂



相去遠隔此西掖垣唐書權德輿傳左右
啾啾棲鳥過

離騷揚雲霓之晻霫兮鳴玉鸞之啾啾何遜詩杳杳星
出雲啾啾雀隱樹王粲詩上有特棲鳥懷春向我鳴何

遜詩日夕星臨萬戶動庚有吾詩月起吳山北星臨天
樓鳥喧

為千門萬戶張衡西都賦張千
月傍九霄多禮斗威儀
政太平則

月圓而多輝庾闡詩翔虬凌九霄張淵
不寢聽金鑰晉書

觀象賦陟秀峯以遐眺望靈象於九霄
傅休奕傳每有奏劾或值日莫捧白簡整簪帶踈踊不
寐坐而待旦又禮志明發不寢坐而待旦禮記修鍵閉

慎管籥注管籥鎖匙也案鑰古作
因風想玉珂李陵答
蘇武書

時因北風復惠德音揚方詩因風吹徽音舊唐書輿服
志馬珂一品以下九子四品七子五品五子張華詩文

軒樹羽蓋乘馬鳴玉珂梁簡文帝詩晨風白金絡桃花紫玉珂

明朝有封事

吳均詩今夜杯酒別

明朝江水邊漢書霍光傳上令吏民得奏封事不關尚書文心雕龍或上書或奏狀慮有宣泄則囊封以進謂曰封事唐書百官志門下省左補闕六人左拾遺六人大事廷議小則上封事數問夜如何夜詩如何其夜未央庭燎之光箋宣王以諸侯將朝夜起曰夜如何其問早晚之辭

初月

光細弦欲上

左傳注月體無光待日照而光生半則為弦全則成望釋名弦半月之名也其形一

旁曲一旁直若張弓施弦也鮑照詩客行鈎始懸此夜月將弦詩如月之恒箋月上弦而就盈疏八日九日月體正半昏而中似弓之影斜輪未安
江淹秋夕納涼詩蕭條晚秋景旻雲張而弦直謂上弦也

承景斜劉孝威詩月輪殊未圓江總詩新月半輪空李
陽賦波水蕩而月輪斜梁簡文帝月詩飛輪了無轍明

鏡不安臺微升古塞外

劉孝綽詩秋月始纖纖微光垂步櫺
謝莊月賦升清質之悠悠宋孝武帝

詩弦月升初光陳後主詩愁眉塞月生

隋煬帝詩秋昏塞外雲霧暗關山月

已隱莫雲端

夏侯

湛賦月翳翳以隱雲時籠籠以投光蕭綽詩西樹隱落

月江淹詩日暮碧雲合古善哉行參駕六龍游戲雲端

劉偉之詩凝

河漢不改色

蕭子範秋月詩河漢東西隱
清光此夜出四民月令天漢

睇白雲端

有爽爽白氣如河波光輝五色梁簡文帝詩卷幔通河

色開窓引月暉張正見詩月影帶河流樂府凌霜不改

色關山空自寒

王褒詩關山夜月明陸瓊詩邊城與明
月俱在關山頭王褒關山月天寒光轉

白

庭前有白露

禮記孟秋之月白露降宋孝武帝詩
白露已盈庭謝惠連詩白露滋團菊

暗

滿菊花圖

禮記季秋之月菊有黃華陶潛詩秋菊有佳色裛露掇其英謝忠連詩團團滿葉露

天河

詩維天有漢疏漢水之精也氣發而著精華浮上宛轉隨流名曰天河一日雲漢晉

書天文志天漢起東方經箕尾之間謂之天河亦謂之漢津分為二道博物志舊說天河與海通近世有居海渚者見年年八月有浮槎去來不失期乃乘槎而去至一處有城郭屋舍遙望室中多織婦見一丈夫牽牛渚次飲之驚曰何由至此其人具說來意拜問此是何處答曰還訪嚴君平則知之因還問君平曰某年月日有客星犯牽牛宿記其年月正其人到天河時也庾肩吾舟中七夕詩天河來映水織女欲攀舟

常時任顯晦

晉書隱逸傳論君子之行殊途顯晦之謂也

秋至最分明

江淹詩秋

至白雲起周弘正詩斜光入丹扇的最分明宋
之問明河篇八月涼風天氣品萬里無雲河漢明縱被

微雲掩

世說司馬太傅齋中夜坐於時天月明淨都無纖翳太傅嘆以為佳謝景重曰意謂乃不如微

雲點綴太傅因戲謝曰卿居心不淨乃復強欲滓穢太

清耶徐陵閑山月月出柳城東微雲掩復通孔德紹詩

雲葉掩

終能永夜清

謝靈運賦發潛夢於永夜鮑照萬里行馳波催永夜古詩河漢清且

山樓

淺含星動雙闕

沈約高松賦含星漏月之奇王勃頌貝齒含星流毫耀月史記天官書漢者金

之散氣其本曰水漢星多則旱注漢河漢也水

生於金多少謂漢中星祥名闕闕也在門兩傍中央闕

然為道也古詩雙闕百餘

伴月落邊城

杜審言都尉山亭詩勝跡都無

尺徐陵樂府輦道乘雙闕

限只應伴月歸宋之問明河篇昏見南樓清且淺曉落
西山縱復橫揚雄長楊賦海內澹然永無邊城之災梁

簡文帝詩邊城秋易知

牛女年年度

史記天官書牽牛為犧牲又織女天女孫也注織女三星

在河北天紀東天女也續齊諧記桂陽成武丁有仙道謂其弟曰七月七日織女當渡河弟問曰織女何事渡河答曰織女顰詣牽牛鵲彥七日詩織女思北泣牽牛嘆南陽庾信七夕賦觀牛星之曜景視織女之闌干杜審言七夕詩年年今夜盡機杼別情多荆楚歲時記天河之東有織女天帝之子也年年機杼勞役織成雲錦天衣天帝憐其獨處許嫁河西牽牛郎嫁後遂廢織維天帝怒責令歸河東但使其一年一度相會

風浪生

南史宗慤傳願乘長風破萬里浪庾信楊柳歌倏忽河中風浪生

夜宴左氏庄

風林纖月落

朱異田飲引屬風林之蕭瑟值寒夜之蒼茫謝朓詩踈蕪散風林古樂府兩頭纖纖

月初生張綽詩雲表挂纖月
梁昭明太子詩月落林餘影

衣露淨

一作靜

琴張

說苑孺子操彈

於後園露霑其衣曹植秋思賦高雲靜兮露凝衣蕭瑟
春日曲水詩添露挹行衣韓詩外傳治國者譬若張琴

然賈誼陳政事疏琴瑟不調必解而
更張之江淹賦濁醪夕引素琴晨張

暗水流花徑

李百藥詩

暗水急還流庾肩吾詩向嶺分花徑隨階轉藥
欄張正見梅花落詩落遠春風急飛多花徑深

春星帶

草堂

梁簡文帝神山寺碑澄明離日照影春星又草堂
傳汝南周顒昔經在蜀以蜀草堂寺林壑可懷乃

於鍾嶺雷次宗學館立寺因名草堂亦號山
次孔稚圭北山移文鍾山之英草堂之靈

檢書燒燭

短燭

江淹賦共檢兮雜書南史王僧孺傳頓燒一寸
燭而成四韻詩何難之有謝朓詩離堂華燭盡

看劍

引杯長

吳越春秋秦客薛燭善相劍越王取純鉤湛盧
示之桓譚新論君大素曉習萬劍之名凡器遙

視而知不須手持熟察沈炯十二篇詩
羞芳果鷄跣引清盃沈佺期詩榴花引御盃
詩罷聞吳

詠

李嶠詩李陵賦詩羅王喬曳馬來左思吳都賦荆
艷楚舞吳歎越吟鮑照芙蓉賦起榜妾之吳歌駱賓

王詩鄉思

扁舟意不忘

吳越春秋范蠡乘扁舟出三江
入五湖人莫知其所適庾信賦

吹落葉之扁舟飄長風於上游史記高祖紀高祖曰豐
吾所生長極不忘爾唐書杜甫傳甫少貧不自振客吳
楚齊趙間黃鶴曰公未得鄉貢之前遊吳越下第之後
遊齊趙此詩云詩罷聞吳詠扁舟意不忘謂因吳音而
思其地也

禹廟

方輿勝覽禹祠在忠州
臨江縣南過岷江二里

禹廟空山裏

盧思道詩空山照秋月
陶弘景詩空山霜滿高烟平

秋風落日斜

江淹

詩思起秋風年謝靈運詩落日次朱方梁
元帝詩西山晚日斜蕭詮詩青山照落暉荒庭垂橘柚

張協詩荒庭寂以閒禹貢淮海惟揚州厥包橘柚錫貢
孔安國曰小曰橘大曰柚淮南子橘柚有鄉古詩橘柚

垂佳

古屋畫龍蛇

左傳深山大澤實生龍蛇宋玉招魂
仰觀刻桷畫龍蛇此殊草老云荒庭

垂橘柚古屋畫龍蛇蓋橘柚錫貢驅
龍蛇皆禹之事公因見此有感也

雲氣生虛壁

莊子乘雲

氣御飛龍吳均與顧章書幽岫含雲深溪蓄
翠陸倕詩網戶圖雲氣庾信登歌封中雲氣

江聲走白

沙山諫之南徐州記京江禹貢南江也春秋朔望輒有
大濤聲勢駭然極為奇觀湘中記白沙若霜雪子虛

賦內隱鉅石白沙梁武帝詩白
沙青連漪庾信詩白沙如濕粉

蚤知乘四載

庾信詩蚤知覓不見

又玉山乘四載書禹曰予乘四載隨山刊木
注四載水乘舟陸乘車泥乘輶山乘櫟也

䟽鑿控三

巴

郭璞江賦巴東之峽夏后疏鑿三巴記閬白水東南流三折如巴字華陽國志改永寧為巴郡以固陵為

巴東安漢為巴西是為三巴一
統志忠州春秋戰國為巴地

登兗州城樓

禹貢濟河惟兗州爾雅濟河間曰兗州劉熙釋名兗州取兗水以為

名也輿地廣記隋大業二年改兗州為魯郡唐武德中克徐圓朗復曰兗州唐書地理志兗州魯郡屬河南道一統志滋陽縣隋置瑕丘縣為魯郡治唐為兗州治

東郡趨庭日

漢書地理志東郡秦置屬兗州又元帝紀關東郡國十一按諸家注杜詩首引漢書

地理志考秦漢之東郡在今東昌府境內唐之東郡在今滑縣皆與滋陽無涉而今之滋陽漢為瑕丘屬山陽郡唐為魯郡治皆與東郡無涉則其為泛指東方郡國無疑論語嘗獨立鯉趨而過庭孫萬壽詩趨庭尊教義

蔡夢弼注公父開嘗為兗州司馬公時省侍故有趨庭句按舊唐書父閑終奉天令主洙序亦云而新唐書無之若其為兗州司馬不知何據而諸家注及世系皆載之今依諸家載入南樓縱目初世說

庚亮

在武昌秋夜氣佳景清佐吏登南樓理詠音調始道俄而庾公率左右十許人來諸賢欲起避之公徐曰老子於此興復不淺江淹詩苔亭南樓期梁簡文帝詩試起登南樓隋煬帝望江南詞閒縱目魚躍小蓮東張鏡觀象賦爾乃縱目浮雲連海岱古樂府浮雲多暮色顏之遠覽旁通四維

浮雲連海岱

推鳴蟬篇馬色浮雲起江

淹去故鄉賦愛桂枝而不見悵浮雲而離居陸機賦祭烟接以雲連書海岱惟青州注青州之域東北至海西

南距岱岱泰山也又海岱及淮惟徐州平野入青徐鮑史記貨殖傳海岱之間缺袂而往朝焉

平野入青徐

鮑照

詩平野起秋雲梁簡文帝詩平野度春暈木華海賦東演析木西薄青徐唐書青州北海郡徐州彭城郡俱屬

河南孤嶂秦碑在

吳均與施從事書孤峯入漢綠嶂百重唐太宗小山賦寸中孤嶂連還斷

史記始皇紀二十八年東行郡縣上鄒嶧山立石與魯諸儒生議刻石頌秦德水經注嶧山北有絕巖秦始皇

觀禮於魯登於嶧山之上命李斯以大篆勒銘山嶺名曰書門荒城魯殿餘

謝朓詩荒城迥易陰

庚信詩古碑文字盡荒城年代迷後漢書王延壽字文考有馬才遊魯作靈光殿賦後蔡邕亦造此賦未成及

見延壽所為遂輟而止注殿在兗州曲阜縣城中靈光殿賦序魯靈光殿者蓋景帝程姬之子恭王餘之所立

也初恭王始都下國好治宮室遂因魯僖基兆而營焉遭漢中微自西京未央建章之殿皆見隳壞而靈光獨

然獨存徐摛詩列楹登魯殿徐陵玉臺新詠序西蜀豪家託情窮於魯殿

從來多古意

史記通策

傳所從來久矣隋李密詩沾襟何所為悵然懷古意

臨眺獨躊躇

沈約詩即事既多美臨眺殊復

奇莊子聖人躊躇以興事韓詩搔首躊躇薛君章句躊躇躑躅也玉篇猶豫也思舊賦惟古昔以懷今兮心徘徊以躊躇習鑿齒文撫乘躊躇

常建

破山寺後禪院

一統志興福寺在廬山北嶺下齊郴州刺史倪德光捨宅為寺

唐常建詩曲徑通幽處禪房花木深

清晨入古寺

曹植詩清晨發皇邑法苑珠林五臺方三百里中佛光山仙華山王子塔古寺六所

初日照高林

宋玉神女賦耀乎若白日初出照屋梁江總詩初日照紅粧又秦樓初日度陽臺沈

約七賢論相與莫逆把臂高林張華詩仰蔭高林茂鮑照詩長霧匝高林

曲徑通幽處

梁元帝詩

入林迷曲徑漢書谷永傳北宮苑
園街巷之中臣妾之家幽閒之處
禪房花木深水經注陽水東

逕故七級寺禪房前洛陽伽藍記
景果寺中有禪房一所內置祇洹
精舍葛洪詩花木長榮鮑照詩花
木亂平

原庾信詩絕愛猿山光悅鳥性
謝朓詩山光餘晚照上聲近誰憐
花徑深山

光暖將夕劉孝標山居志夫鳥居
山工櫓巢木末魚潛川下窟穴泥
沙豈好異哉蓋性然也

渾影空

人心王勃詩閒雲潭影日悠悠
庾信詩空心論佛性真氣辨仙才
萬籟此俱寂莊子游

曰地籟則衆竅是己人籟則此竹
是己敗問天籟子綦曰夫吹萬不
同而使其自己也謝朓詩北風吹
萬籟姚

察詩舍風惟聞鐘磬音新論五聲
鏗然有鐘磬之音左思詩南隣
擊鐘磬北史臨淮王

譚傳吹律求聲叩鐘求音

祖詠

蘓氏別業

別業居幽處

石崇思歸引序薦好林藪遂肥遁於河陽別業南史謝靈運傳移籍會稽修營別業

傍山帶江盡幽居之美漢書谷永傳北宮苑園街巷之中臣妾之家幽閒之處到來生隱心
班固

薦謝夷吾表雖密勿在公而身出心隱張說詩空山寂歷道心生虛谷迢遙野鳥聲
南山當戶牖

詩信彼南山維禹甸之揚雄解嘲四皓采榮於南山杜審言詩北斗挂城邊南山倚殿前禮記君子之居恒當

戶老子鑿戶牖以為室阮籍詩蟋蟀在戶牖蟪蛄號中庭洛陽伽藍記風生戶牖雲起梁棟
澧水映

園林
書漆沮既從澧水攸同詩豐水東注維禹之績案澧亦作豐一統志澧水出終南山合太平高觀谷

水東至咸陽縣入於渭水經注其水虛映俯視遊魚如
乘空謝朓詩舊埽新塍分青苗白水映庾肩吾詩水映

寄生竹列子遊吾園者不思高林曠澤顏延之陶徵士
詠桂椒信芳而非園林之實陳後主詩園林多趣賞

竹覆經冬雪

馬融長笛賦秋潦激其下趾兮冬雪揣封
乎其枝魏志焦先傳注先露寢冬雪大至

袒卧不移

庭昏未夕陰

顏延之詩庭昏見野陰山明望松雪
謝惠連詩夕陰結空幕宵月皓中閨

沈約詩夕

寥寥人境外

秦嘉詩寂寂幽居寥寥空室左
思賦寥寥空宇內所講在玄虛

謝靈運詩海岸常寥寥空館盈清思陶潛詩結廬在人
境而無車馬喧宋書孔淳之傳緬想人外三十年矣庾

信小園賦余有數
畝散廬寂寞人外

閒坐聽春禽

史記日者傳司馬季主
閒坐南史張裕傳裕子

鏡與顏延之隣居鏡與客談延之從籬邊取胡床坐聽
辭義消玄延之曰彼有人焉王褒洞簫賦春禽羣嬉朝

翔乎其巔梁元帝春日篇
處處春芳動日日春禽變

過鄭曲

一統志鄭州在開封府城西一百四十里周管叔鮮封於此後為鄭國東漢分

置滎陽郡後周置滎州後改為鄭州唐初於武牢置鄭州貞觀中移治管城天寶初又改為滎陽郡乾元初復鄭州又鄭水源出鄭州城東北十五里東北至中年縣入於汴又滎澤縣在鄭州城北五十里本古澤名漢為滎陽縣晉屬滎陽郡隋改為滎澤縣屬鄭州唐因之元和志汴渠一名筴宕渠今名廣濟渠西南自滎澤管城二縣界流入按滎澤口與汴河口通詩首句路向滎川谷當是汴河中眺望也汴河源自鄭州滎陽又合鄭水入河則鄭曲蓋指汴河之曲矣

路向滎川谷

書導沈水東流為濟入於河溢為滎疏濟水入河並流十數里而南截河又並流數

里溢為滎澤在敖倉東南正義沈水入河溢為滎滎是澤名鄭云今塞為平地滎陽民猶謂其處為滎澤在其縣東周禮河南曰豫州其川滎雒注滎兗水也出東垣入於河洑為滎滎在滎陽春秋說題辭注無水曰谷有水曰谿釋名川穿也穿地而流也又水注谿曰谷

晴來望盡通

張纘賦值時雨之新晴觀百川

之浩汗鮑照詩曠望周千里江邨靄微明沈約細烟生詩望極烟原盡孫綽天台山賦路委蛇而修通

水上

江淹詩野火初烟細鮑照賦秋水兮架浦涼烟今冒江梁簡文帝詩水烟浮岸起劉孝綽詩暮烟生

遠路夕鳥赴前洲劉孝威詩坐觀暮潮落漸見夕烟生劉孝綽詩潒漢江烟上王臺卿詩水上結雲陰

圓

月在舟中

沈約詠月詩圓影隙中來張正見詩舟移歷浦月

岸勢迷行客

鮑照詩上

倚曲岸勢下帶洞阿深西疇常言水道曲折立岸者見
舟行者迷梁簡文帝啟背流知近迷岸識歸何遜詩客
子行秋聲亂草蟲蕭慤詩聽識水聲秋周弘讓詩木葉
動秋聲顏之推鳴蟬詩歷亂起秋聲
參差攪人慮顏延之詩陰蟲先秋聞江總詩山蟲詎識
秋詩啞啞草蟲傳啞啞聲也草蟲常羊也萋草蟲鳴晚
秋之時陸機疏大小長短如旅懷勞自慰鮑泉詩旅情
蝗奇音青色好在茅草中恒自苦陸機
賦行彌久而情勞鮑照詩自非羽酌歡何以浙浙有凉
慰愁懷元行恭詩旅客傷羈遠樽前慰登臨
風謝惠連詩浙浙振條風虞騫詩夜條風浙浙爾雅北
風謂之凉風禮記立秋之日凉風至淮南子西南曰
凉風左思蜀都賦若乃大火流凉風厲

錢起

秋夕與梁鉉文宴

梁鉉官執戟
天寶中人

客到衡門下

易不速之客三人來詩有客有客杜甫詩
客至罷琴書南史袁粲傳嘗步屣白楊郊

野間遇一士大夫便呼與酣飲明日此人到門求進粲
曰昨飲酒無偶聊相要耳竟不與相見詩衡門之下可
以栖遲蔡邕述行賦甘衡門以寧神兮

林香蕙草時

庚信

詠都人而思歸陶潛詩寢跡衡門下

詩林香動落梅沈佺期詩林香酒氣元相入山海經天

帝之山其下多蕙楚辭川谷徑復流潺湲光風轉蕙記

崇蘭廣雅蕙草綠葉紫花魏武帝以為香燒之繁欽詠

蕙詩蕙草生山北謝靈運詩攀條摘蕙草庾信小園賦

花隨

好風能自至

陶潛詩微雨從東來好風與之俱禮
記孟秋之月涼風至宋玉風賦楚襄

王遊於蘭臺之宮宋玉景差侍有

風颯然而至江淹詩西北秋風至

明月不須期

世說謝
詭云入

吾室者但有清風對吾飲者惟當明月阮籍詩薄帷鑒明月陸機詩清露墜素輝明月一何朗李白詩明月直

入無心可猜公羊

秋日翻荷影

詩秋日淒淒江淹詩秋

傳遇者何不期也

日懸清光梁簡文帝秋

夜詩池蓮翻罷葉詩彼澤之陂有蒲與荷爾雅荷芙蕖祖孫登詠城塹中荷詩青荷承日暉蕭慤初秋詩葉開

千葉

晴光脆柳枝

李白水閣納涼詩脩然金谷賞遠近

影

含晴光老子草木之生也葉脆詩折

柳樊園疏柳是柔脆之物梁簡文帝詩柳枝無極軟春風隨意來劉邈折楊柳攀枝恨久離杜之松柳詩高枝

拂遠

留歡美清夜

杜甫詩泛愛容雙髮留歡卜夜閣陸

鴈

機詩戚戚多滯念置酒宴所歡陶潛

詩佳人美清夜達曙酣且歌陸德寄贈京邑僚友詩娛談終美景數文永清夜

寧覺曉鐘遲

劉

照鏡賦夜籌已竭曉鐘將

絕孔德紹詩臨風聽晚鐘

韋應物

送汾城王主簿

元和郡縣志河東道汾州周宣帝置大業三年廢皇朝初改為

浩州武德三年改浩州為汾州舊唐書地理志汾州隋西河郡又慈州元魏曰南汾州隋

為文成郡武德元年改為汾州五年改為南汾州一統志後魏置汾州北齊改置南朔州

後周改介州大業中州廢唐初改浩州尋改汾州天寶初改西河郡乾元初復為汾州通

典主簿謂主諸簿目漢有之

唐亦縣置二人他縣一人

少年初帶印

阮籍詩生平少年時晉書樂志汲寒漿飲少年少年窈窕何能賢庾信怨歌行家住

金陵縣前嫁得長安少年漢書朱買臣傳拜會稽太守懷其印綬步歸郡邸守邸怪之前引其綬視其印會稽

太守章也白帖主簿
職司符印主掌簿書

汾上又經過

水經汾水出太原汾陽縣北管涔山李嶠

詩不見即今汾水上惟有年年秋鴈飛阮籍詩西遊咸

陽市趙李相經過古樂府願君如行雲時時見經過南

史陶潛傳顏延之在潯陽與潛情

芳草歸時遍

班固西都賦竹

欵後為始安郡經過必酣飲致醉

芳草歸時遍

班固西都賦竹

林果園芳草甘木劉安招隱士王孫遊兮不歸春

情人

草生兮萋萋謝朓詩春草秋更綠公子未西歸

故郡多

晉子夜歌情人不還卧梁武帝詩寄語故情人知我心相憶王勃滕王閣賦南昌故郡洪都新

府禁鐘春雨細

班固西都賦發鯨魚鉉華鐘張衡西京賦洪鐘萬鈞猛簴趙趙徐彥伯詩少轉

清壺漏晨驚長樂鐘莊子春雨日時草木怒生夏侯湛賦納谷風以疏蒞舍春雨以濯莖梁簡文帝詩冷風雜

細雨宮樹野烟和

劉義恭表彫氣降於宮樹張說奉和聖製度蒲闌詩樓映行宮日隄含官樹春

梁簡文帝詩古樹無枝葉荒郊多野烟

相望東橋別

漢文帝詔遣使者冠蓋相望結轍於道以

諭朕志庾信美人山銘何處相望山邊一樓雉錄秦漢唐架渭者凡三橋在咸陽西十里者名便橋在咸陽東南二十二里者為中渭橋在萬年縣東四十里者為東渭橋六典載橋之用木為柱者三而便橋中橋東橋皆用木也又李西平於東渭橋屯微風起細波潘岳籍田兵其後自咸陽還軍仍駐東橋微風起細波賦微風生於輕幘吳均詩皎皎日將上獵獵起微風徐陵詩時從高浪歇乍逐細波移蕭慤詩滔滔細波動

淮上喜會梁州故人

山海經淮水至下邳淮陰縣與泗水合東至廣陵淮

浦縣而入海書華陽黑水惟梁州一統志河南開封府東魏曰梁州

江漢曾為客

詩滔滔江漢南國之紀周禮夏官職方氏止南曰荊州其川江漢江淹詩江漢起殘

烟又奉詔至江漢始知楚相逢每醉還樂府越謠歌居塞長王融詩王孫久為客乘車我戴笠他

日相逢下車揖君擔簦我跨馬他日相逢為君下浮雲庚信詩今日始相逢又春賦三晡未醉莫還家

一別後李陵別蘇武詩仰視浮雲馳海忽交相逾王粲詩風流雲散一別如雨流水十年

間江淹詩百年積流水蘇蠅翼詩欲借一樽酒共叙十年悲歡笑情如舊魏志武帝紀韓遂請與公

相見公與遂交馬語說京都舊故拊手歡笑晉書張華傳中國人士兄華一面如舊蕭疎鬢已斑

謝惠連詩蕭疎野趣生何因不歸去晉書陶潛傳義興張載詩鬢髮終已皓三年解印去縣乃

賦歸去來辭盧思道詩歸去來青山下秋菊離離日堪把淮上有秋山何遜詩初宿長淮上江淹

雜擬詩朱權麗寒渚金鏤映秋山

張籍

宿江店

野店臨江浦

杜甫詩野店引山泉岑參詩野店愁中雨江城夢裏蟬孫楚太傅羊祜傳江浦馳義

機負而至梁簡文帝詩非憐江浦珮羞使春閨空庾信賦連茂苑於海陵跨橫塘於江浦

門前有橘

花

陶潛詩舫舟蔭門前徐謙詩不願門前客看時逢故人齊民要術橘樹白花而赤實梁簡文帝詩整流鋪

紫若城風泛橘花宋之問過蠻洞詩林暗交楓葉園香覆橘花

停燈待賈客

劉勰新論夫停燈於

缸先焰非後焰而明者不能見南史齊臨川王暕傳嘗致錢還都買物有獻計者於江陵買貨至都還換可以微有所增暕笑曰我是賈客耶乃復求利宋書孔顓傳顓弟道存從弟微頗營產業請假東還輜重十餘船顓

正色曰汝輩忝預士流

何至還東作賈客耶

賣酒與漁家

漢書翟方進傳上賜冊曰制詔下君

君云賣酒醪後請止未盡月復奏議令賣酒醪王褒樂

府採桑三匝路賣酒七條衢禮記季冬命漁師始漁史

記竈策傳泉陽令使吏案視圖水上漁者五

十五家王維詩樂府裁龍笛漁家伐釣竿

夜靜江水

白閑氏易傳晝動六時也夜靜六時也魏文帝長歌行

靜夜不能寐耳聽衆禽鳴沈約詩月華臨靜夜楚辭

湛湛江水分上有楓七發江水逆路迴山月斜張說詩

流海水上游虞騫詩疎松含白水路迴山月斜石澗泉

虛落松崖路曲迴孟浩然詩尋幽石徑回吳均詩掛月

青山下庾信對燭賦山月沒客衣單張正見詩玉床珠

帳卷金樓鏡月斜何閒尋泊舟處孫逖夜宿浙江詩扁

蓬詩斜月半空庭舟夜入江潭泊露白

風高氣蕭索孟浩然詩泊潮落見平沙劉孝威詩飛輪

舟潯陽郭始見香爐峯搏羽扇翻車引

落潮西京雜記太液池邊多平沙沙上鵝鵝鵝鵝鵝
鴻鵠動輒成羣何遜詩野岸平沙合連山遠霧浮庚信
詩平沙臨浦口
高柳對樓前

張祜

題松汀驛

山色遠含空

謝朓詩渺渺蒼山色沉沉寒水波王維詩山色有無中岑參詩山色依官舍湖光映

吏人韋應物詩映物隨顏色含空無表裏蒼茫澤國東

梁元帝詩秋氣蒼茫接孟津徐儀詩蒼茫

孤月上孟浩然詩迢遞秦京道蒼茫歲暮天周禮地官掌節使澤國用龍節注澤國多龍如吳越宋之間詩澤國韶氣早開海明先見日

潘岳滄海賦陰霖則繁雲降雨陽霽則吐霞曜日唐太宗

春日望海詩拂潮雲布色穿浪日舒光後漢書表
紹傳公孫瓚與紹書曰曠若開雲見日何喜如之江白

迥聞風

梁元帝詩江風當夏清王維詩月落江湖
白儲光義詩烈風起江漢白浪忽如山

鳥道

高原去

南中志鳥道四百里以其險絕獸猶無蹊特上
有飛鳥耳陰鏗詩瞻雲望鳥道庾信佛龕銘鳥

道乍窮羊腸或斷揚雄羽獵賦相與列於高原
之上王維詩山下孤烟遠村天邊獨樹高原

人烟小

徑通

曹植詩千里無人烟宋之問詩思發海人烟李白
蜀道難通來四萬八千歲不與秦塞通人烟王勃

詩小徑
偏宜草那知舊遺逸

孟子遺逸而不怨漢書五行志遺
博士褚大等六人持節巡行天下

存賜孤寡假與因乏舉
遺逸君子詣行在所

不在五湖中

周禮職方氏東南
曰揚州其川三江

其浸五湖注具區五湖在吳南國語范蠡辭於王曰君
王勉之臣不復入越國矣遂乘扁舟汎五湖莫知所終

極水經注江南東注於具區謂之五湖口古辭游戲徘徊五湖中謝靈運詩高揖七州外拂衣五湖裏

姚合

陝州硤石人宰相曾孫登元和進士第授武功主簿開成末終秘書監與馬戴費冠卿

殷堯藩張籍遊李頻師之詩名重於時人稱姚武功云詩七卷

寄友人

日暮掩重扉

左傳日云暮矣寡君須矣吾子其入也按暮古作莫王粲詩日暮遊西園顏延之秋

胡詩日暮行采歸物色桑榆時溫子昇文習泰微之層構闌間闔之重扉王維詩徒御猶回首田園方掩扉

抽簪復解衣

沈約詩將陪告成禮待此未抽簪庾信小園賦試偃息於茂林乃久羨於抽簪唐明

皇帝送賀知章詩遺榮期入道辭老竟抽簪史記淮陰侯傳漢王解衣衣我推食食我莊子宋元君將圖畫衆

史皆至紙筆和墨有一史後至者公使人視之則解衣槃礴羸君曰可矣是真畫者也

漏聲林下

靜

唐高宗詩路曲迴輪影巖虛傳漏聲杜甫詩五夜漏聲催曉箭九重春色醉仙桃詩于以求之于林之下

世說謝遏絕重其姊張玄常稱其妹有濟尼者並遊張謝二家曰王夫人神情散朗故有林下風氣顧家婦清

心玉映自是

螢色月中微

潘岳螢火賦載飛載止光色孔嘉江淹詩涼草散螢色衰

閨房之秀

林歛蟬聲拾遺記翟乾祐與人翫月或問月中竟何所有乾祐曰隨我手看之月規半圓瓊樓玉宇滿焉駭賓

王靈隱寺詩桂子月中落天香雲外飄

秋霽露華結

儲光羲詩鷄犬暮聲合城池秋霽空王儉

詩露華方照歲雲彩復經春江淹詩風光多樹色露華翻蕙陰張九齡望月詩光逐露華滿情因水鏡搖夜

凉人語稀

謝朓詩雲物清晨景衣巾引夕凉孟浩然詩松月生夜凉風泉滿清聽世說宋處宗窓間

鷄作人語與處宗談論

殷勤故山路

司馬遷報任少卿書僕與李陵素非能相善也趨舍異路

未嘗銜盃酒接殷勤之餘權李白詩餞離駐高駕惜別
空殷勤謝靈運詩故山日已遠鮑照詩訪言山海路千
里歌別鶴張正見詩欲誰與我同歸左傳伯有聞子皮
識三山路須尋千仞溪之甲不與攻已也
喜曰子皮與我矣詩惠而好我携手同歸又聊與子
同歸兮謝惠連賦馳遙想於千里願接手而同歸

許渾

字用晦丹陽人故相圉師之後太和六年進士第為當塗太平二縣令起潤州司馬大中

三年為監察御史歷虞部員外郎睦郢二州刺史潤州有丁卯橋渾別墅在焉因以名集

嚴陵釣臺泊貽行侶

後漢書嚴光傳光字子陵與光武同游學及光武既

即位光乃變名姓隱身不見帝物色訪之後齊國上言有一男子披羊裘釣澤中帝疑其

為光乃遣使聘之三反而後至除為諫議大夫不屈耕於富春山後人名其釣處為嚴陵瀨焉注顧野王輿地志曰七里瀨在東陽江下與嚴陵瀨相接有嚴山桐廬縣南有嚴子陵渙釣處今山邊有石上平可坐十人臨水名為嚴陵釣壇也一統志釣臺在嚴州府城東五十里東西二臺各高數百丈漢嚴子陵垂釣處廣韻侶伴侶也孟浩然詩行侶時相問

故人天下定

後漢書嚴光傳帝引光入論道舊故因共偃卧明日太史奏客星犯御座帝曰朕與

故人嚴子陵共卧耳又光武紀建武元年六月即皇帝位其祝文曰羣下百辟不謀同辭咸曰平定天下海內

蒙歸釣碧巖幽

李白經釣臺詩長揖萬乘君還歸富春山外史懷琛之儒屠釣而棲巖陶弘景

賦碧巖無霧綠水不風孫綽天台賦凝思幽巖朗詠長川

舊跡隨臺古

班固西都賦徒觀跡

於舊墟聞之乎故老家
之問詩臺古今疑漢

高名寄水流

後漢書嚴光傳光
少有高名與光武

同游學水經注桐廬縣至於潛凡十有六潁第二是嚴
陵潁潁帶山山下有石室漢光武帝時嚴子陵之所居

也故山及潁皆即人姓名之張
華詩仰蔭高林茂俯臨綠水流

鳥喧羣木晚

李白詩花
枝宿鳥喧

錢起詩前山帶喬木暮鳥聯歸雲陳子昂詩日落滄江
晚謝靈運詩羣木既羅戶吳均書自富春至桐廬一百

里許奇山異水天下獨絕好鳥相鳴嚶
嚶成韻蟬則千轉不窮猿則百叫無絕

蟬急衆山秋

禮記

孟秋之月寒蟬鳴張正見秋蟬詩風高知響急樹近覺
聲連謝靈運詩衆山亦當窻徐陵詩猿鳴知谷晚蟬咽

覺山

共待新安月

水經注桐廬縣新安東陽二水合於
此仍東流為浙江駱賓王釣磯應詔

文余行至七里灘此地即新安之江口也有嚴子陵釣
磯焉一統志新安江出徽州自歙縣經淳安界至府城

南合婺港東入浙江李白江上有
懷詩待月月未出望江江自流

憑君整駐舟

周禮掌舍疏整

駐之事非久停止曹植詩
停舟兮焉待舉帆兮焉追

喻坦之

睦州人與許棠張喬鄭
谷張翥等同時號十哲

發浙江

史記貨殖傳浙江南則越水經注浙江
山海經謂之浙江出丹陽黟縣北過

餘杭東入於海一統志浙江出歙縣玉山其
水經建德合婺溪過富春為浙江入於海江
口有山居江中潮水投
山十折而曲故云浙江

島嶼遍含烟

江總脩心賦望島嶼之遶回面江源之重
沓立為登潤州城詩春潮平島嶼張九齡

相中詩烟嶼宜春望權德輿詩江深烟嶼沒水經注岫
壑冲深含烟罩霧梁元帝賦登樓一望惟見遠樹含烟

烟中濟大川

書若濟巨川用汝作舟楫易利涉大川莊子馮夷得之以遊大川沈佺期詩積氣衝

長島浮光溢大川

山城猶轉漏

庾信詩山城足迴樓柳宗元詩山城過雨百花盡王勃詩猿吟

山漏沙浦已搖船

宋之問早入清遠峽詩寂歷環沙浦陳子昂詩沙浦明如月常建詩春風

又搖擢潭島花紛紛姚合詩金似明沙渚燈疑宿浦船

海曙霞浮日

杜審言詩雲霞出海曙梅

柳渡江春王灣詩海日生殘夜李白詩半壁見海日梁簡文帝詩曙色始成霞王褒詩平湖開曙日韓愈詩清晨輝輝燭霞日張九齡詩遠林天翠合前浦日華浮敬括賦青氣始霽旭日初浮

江遙水合天

王据詩長江地際遙謝莊詩霧罷江天分鮑照大雷岸與妹書迴江永指長波天合梁元帝臨秋賦水含天而難別李白詩彭蠡將天合姑蘇在日邊又水合青天流

此時空濶思

李百集洞簫賦對吟空濶

之情復感神仙之術張九齡詩江岫殊空濶雲烟處處
浮王維詩空濶湖水廣青熒天色同韓愈合江亭詩瞰
臨渺空濶綠
翻想涉窮邊
謝靈運遊赤石進帆海詩周
覽港瀛瑞况乃凌窮髮江淹

淨不可唾
遂古篇水亦溟
津無涯邊兮

曹松

字夢徵舒州人學賈島為詩久困名場天復
初杜德祥主文放松及王希羽劉象柯崇鄭

希賢等及第年皆七十餘時
號五老榜授秘書省正字

秋日送方干遊上元

孫邵方干傳干字雄飛新
定人質野喜凌侮每見人

設三拜識之者呼為方三拜又免缺有司以
故不與科名隱會稽之鏡湖終身不出元和
郡縣志潤州上元縣本金陵地貞觀九年改
白下為江寧至德二年於縣置江寧郡乾元

元年改為昇州上元二年廢州仍改江寧為
上元縣唐書地理志昇州上元望屬江南道

天高淮泗白

詩謂天蓋高楚辭沅寥今天高而氣清陶
潛詩清氣澄餘滓杳然天界高書浮於淮

泗達於河疏淮水出桐栢山泗水出濟陰乘氏縣東南
至臨淮睢陵縣入淮孟子決汝漢排淮泗而注之江魏
文帝詩興農淮泗
料子趣修程史記曹相國世家參告
舍人趣治行吾將入相

間築室都徐方

料子趣修程

史記曹相國世家參告
舍人趣治行吾將入相

張九齡詩戒程有攸往羅
鄴詩終日長程繞短程

汲水疑山動

南史沈麟士傳
負薪汲水并日

而食守拙終老讀書不倦杜甫詩兒童汲井華慣提瓶
在手司馬相如上林賦山阜為之震動川谷為之蕩波

揚帆覺岸行

謝靈運詩揚帆採石華挂席拾海月劉孝
威渡吉陽洲詩疑是傍洲退似覺前山來

雲離京口樹

賈島詩洞庭風落木天姥月離雲梁簡文
帝樂府客行祇念路相爭度京口元和郡

縣志潤州本春秋吳之朱方邑始皇改為丹陽漢初為
荆國建安十四年孫權自吳理丹徒號曰京城十六年
還都建業於此為京口唐書地理志開元二十年刺史
齊幹以舟行繞瓜步回遠六十里多風濤乃於京口埭

下直起渡江舟不飄沒謝朓

雁入石頭城

一統志雁門山在江寧府

詩天際識歸舟雲中辨江樹

東南六十里山勢連亘類北地鴈門因名丹陽記石頭

城吳時始土塢義興加磚累石頭因山以為城因江以

為池形險固有奇勢故諸葛亮曰鍾山龍蟠石城虎踞

元和邨縣志石頭城即楚之金陵城也吳改為石頭城

建安十六年吳大帝修築以置財寶

後夜分遙念

陶潛詩中

軍器吳都賦云戎車盈於石城是也

宵佇遙念一

諸峯霧露生

釋名崖之高曰巖上秀者曰峯梁簡文帝詩交門光景麗

盼周九天

祈年雲霧生楊炯碑文青霞

起而照天白露生而匝地

釋廣宣

唐詩紀事宣會昌間有詩名
與劉夢得最善寓居在蜀

九月菊花詠應詔

崔實月令九月
九日可採菊花

可訝東籬菊

陶潛詩採菊東籬下悠然見
南山
庾肩吾詩籬下黃花菊

能知節候芳

本草菊一名節花謝靈運登池上樓詩衾枕昧節候寒
開覽窺臨魏文帝書九月律中無射羣木庶草無有射

地而生惟芳菊紛然獨菲非夫合乾
坤之純和體芬芳之淑氣孰能知此
細枝清玉潤

莊子
南郭

子綦遊乎商之立見大木焉仰而視其細枝則拳曲
而不可以棟梁春秋繁露玉潤而不汚至清潔也

繁

蕊碎金香

本草菊一名金蕊梁昭明太子七契金蕊初
榮晉書謝安傳此安石碎金也婢雅菊如聚

金鞠而不落
故字從鞠

爽氣浮朝露

世說西山朝來致有爽氣耳
嵇康詩抗首漱朝露潘岳詩

淒淒凝朝露哀松菊詩春
露不染色秋霜不改條
濃滋帶夜霜
張協賦縱霜滋於九秋嵇康賦

樂百卉之榮滋梁昭明太子詩寒風催
夜霜鍾會菊花賦冒霜吐頽象勁直也
泥杯傳壽酒
風

記漢武帝宮人賈佩蘭九日佩茱萸食蓬餌飲菊花酒
令人長壽風俗通南陽鄆縣有甘谷谷水甘美云其山

有大菊水從山上流下得其滋液飲此水上壽百二三
十中百餘下七八十李嶠詠菊詩香泛野人杯詩為此

春酒以應共樂時康
王粲無射鐘銘休徵時序人悅時康舞賦漫既醉其樂康閭丘冲詩

樂酒今日
君子時康

杜審言

宿羽亭侍宴

唐書韋弘機傳擢司農少卿主東
都營田苑魚將作少府二官督營

緒初作宿羽高山等宮通鑑長安三年十一月內申宴寔殿使於宿羽臺

步輦千門出

西都賦乘茵步輦惟所宴息庾肩吾詩北園涼氣早步輦整道遙漢書東方朔傳陛

下以城中為小圖起建章左鳳闕右神明號稱千門萬戶王延壽魯靈光殿賦千門相似萬戶如一王筠詩千門皆閉夜未央

離宮二月開

上林賦離宮別館彌山跨谷吳均詩至尊離宮百餘

處千門萬戶不知曙晉楊泉鑿賦二月初吉遂布令於天下江總詩二月柳爭梅李尤德陽殿賦開三階而參會錯金銀

風光新柳報

謝朓詩風光草際浮梁簡文帝詠柳詩楊柳亂成絲攀折上春

於兩楹時又榕柳詩曖曖陽雲臺春柳發新梅

宴賞落花催

南史江陵傳數為丹陽丞時袁粲為尹數

與宴賞留連日夜張衡周天大象賦虛梁聞寂以幽悶蓋屋喧轟而宴賞梁簡文帝詩落花依度慙卽陵王綸

詩舒衫受落花庾信馬射賦落花
與芝蓋同飛楊柳共春旗一色
碧水搖雲閣
梁簡文帝詩迴

沙溜碧水曲岫散桃夭昭明太子詩桂楫蘭橈浮碧水
江花玉面兩相似三輔黃圖起雲閣欲與南山齊東京

賦結雲閣冠南山東坡詩
矯足登雲閣相伴步九華
青山繞吹臺
阮籍詩北望青

月青山下庾信吹臺山銘禁苑斜通春人常聚宋書徐
湛之傳湛之為南兖州刺史廣陵城北有陂澤水物豐

盛湛之更起風亭月觀吹臺琴室陳留風俗
傳浚儀有師曠倉頡城城上有列仙吹臺
聖情留晚興

孔德紹詩和雲留眷賞薰風悅聖情沈約梁武帝集序
超挺睿興濬發神表虞世南侍宴詩綠野明斜日青山

澹晚
歌管送餘杯
鮑照送別王宣城詩舉爵自惆悵歌
烟為誰清唐書祀樂章風管晨凝雲

歌晚轉王褒四賞祠碑
銘水仙遺摻津更餘杯

沈佺期

三月禁園侍宴

九重馳道出

楚辭君之門以九重庾信詩自有南風曲還來吹九重史記秦始皇紀二十七年賜

爵一級治馳道注馳道天子道也謝朓詩飛甍夾馳道垂楊擁御溝漢書叔孫通傳皇帝輦出房百官執戟傳

警

三巳楔堂開

王廩春可樂篇楔號三巳臨川蓋舟周禮春官女巫祓除注歲時祓除如今三

月上巳如水上之類晉書王戎傳朝賢嘗上巳楔洛韓詩章句三月桃花水時鄭國之俗之溱洧兩水之上祓

除不祥晉書禮志天泉池南石畫鷁中川動
晉書王攄傳攄作大

溝引御溝水池西積石為楔堂
船連舫以木為城又畫鷁於船首以懼江神庾信詩畫鷁先防水媒龍即負舟周禮地官川衡每大川下士十

有二人中川下士六人小川下士二人謝靈運
詩孤嶼媚中川張融海賦浪動而星河如覆
青龍上

苑來

魏志明帝青龍元年正月青龍見邾之摩陂宋書
符瑞志周公與成王觀於河洛青龍臨壇銜玄甲

之圖白帖青龍亦雀並戰艦名唐書蘇良嗣傳高宗遣
宦者采怪竹江南將蒔上苑卓異記武后天授二年將

遊上苑名花瑞草布

野花飄御座

江總詩野花不識采
苑而開若有神助

細塵障路起驚花亂眼飄唐太宗雪詩花飄綺席衣後
漢書隱逸傳光武與嚴光同宿明日太史奏客星犯御

座甚

河柳拂天杯

何遜七召河柳垂葉山榴發英江總
詩岸綠開河柳池紅照海榴魏收擢

歌行桃發武陵岸柳拂武昌樓陳子良詩翠柳拂龍媒
鼎錄鑄神鼎承天酒庾信啟琉璃汎酒鸛鵲承杯酉陽
雜俎魏使聘梁梁主於殿上流杯池
中其行酒具進梁主者題曰御杯
日晚迎祥處
楊師道詩

登臨日將晚曹植冬至表亞歲迎祥履
長綯慶謝莊文祚靈集祉慶霽迎祥
笙鏞下帝臺書合

止祝敵笙鏞以間荀勗舞歌于戚發揮節以笙鏞哀曜
釋奠詩韶音遞奏笙鏞間起初學記山海經有帝堯臺

帝舜

臺

李白

訪戴天山道士不遇

郭璞詩青溪千餘仞中有
一道士庾信啟青牛道士

白鹿真人春秋公會
衛侯於桃丘弗遇

犬吠水聲中

史記屈原傳邑犬羣吠兮吠所怪也論衡
傳言淮南王得道畜產皆仙犬吠天上鷄

鳴雲中陶潛詩犬吠深巷中鷄鳴高樹
巔江總詩罕有知音者空勞流水聲
桃花帶雨濃易通

卦驗驚蟄大壯初九桃始花江總渡河北詩桃花長新
浪竹箭下奔流庾信華林園馬射賦烏轉歌來花濃雪

聚宋之問詩洛陽花柳此時濃易林乘雨帶雲與
飛鳥俱梁簡文帝詩柳葉帶風轉桃花含雨開
樹深

時見鹿

阮瑀苦雨詩深樹猶沾裳席豫詩樹深烟幕幕
灘淺石磷磷列子鄭人有薪於野者遇駭鹿御

而擊之爾雅鹿牡麋牝麋其子溪午不聞鐘
麋說文鹿解角獸也羣萃善走
孫綽遊天台賦注

午日中也梁元帝蔡要日在午曰亭午周禮鳧氏為鍾
左降伐邾及范門猶聞鐘聲按鐘古作鍾庾信詩戍樓

鳴夕鼓山
寺響晨鐘
野竹分青靄
庾信詩野竹交臨浦山桐迥
出城鮑照登大雷岸與妹書左

右青靄表裏紫霄王筠詩日坂散朱霞天隅
斂青靄江淹詩虛空起青靄崦嵫生暮霞
飛泉挂碧

峯
楚辭汲飛泉之微液兮懷琬琰之英華郭璞遊仙詩
放情凌霄外嚼蕊挹飛泉南史何瑋傳瑋以若耶處

勢迫隘不容學徒乃遷秦望山山有飛泉迺起學舍即
林成援因巖為堵劉阮洞記羣山之翠合而有之遂名
之曰合無人知所去列子唯聖人知所與知所去司馬
翠峯

忘出則不愁倚兩三松楚辭澹容與而獨倚兮蟋蟀鳴
知其所往此西堂曹植洛神賦洛靈感焉

徙倚徬徨庾信詩徘徊出桂苑徙倚就花林古詩
爛漫女蘿草結曲統三松謝靈運詩停策倚茂松

宋之問

春日芙蓉園侍宴應制

雅錄園本古曲江隋文帝惡其名曲改名芙蓉

為其水盛而芙蓉富也遊城南記芙蓉園與
杏園皆秦宜春下苑之地園内有池謂之芙

蓉池唐之

南苑也

芙蓉秦地沼

南京記芙蓉園本隋氏離宮周迴盧橘漢十七里秦為宜春苑漢為樂遊園

家園

司馬相如上林賦盧橘夏熟注盧黑色也按枇杷亦名盧橘西京雜記武帝平百越以為園圃民獻

橘谷轉斜盤徑

郭璞江賦盤渦谷轉凌濤山賴陸機詩俯入窮谷底仰陟高山盤沈約詩野徑

既盤紆庾信賦川迴曲抱原

謝靈運詩川渚屢往復來入歌斜之小徑

入帳殿蕭子良慙田表縈原抱濕其處風來花自舞陶甚多北史蕭大同傳而修原而帶流水

詩飄風因時來梁簡文帝詩春風隨意來吳均詩花舞依長薄賀循詩春風飄舞花間度春入鳥能

言禮記鸚鵡能言不離飛鳥鮑照樂府春山茂春日明園中鳥多嘉聲劉琨詩春林已自好春鳥復和鳴

侍宴瑤池夕歸途笳吹繁

詩樂酒今夕君子維宴鮑照詩陳鍾陪夕宴笙歌待月明

穆天子傳觴西王母於瑤池之上神仙傳崑崙閭風左
瑤池右翠水陸機贈從兄詩感彼歸途艱孫楚茹賦銜
長葭以泛吹劉孝威詩櫂馬
悲笳吹玉篇茹卷蘆葉吹之

李嶠

春日芙蓉園侍宴

年光竹裏遍

何遜詩年光處處華又竹裏見螢飛劉孝
綽詩竹裏見攢枝陰鏗詩鶯嶺春光遍

春色杏間遙

謝朓詩春色滿皇州梁簡文帝詩春色暎
空來先發院邊梅徐陵詩年芳袖裏出春

色黛中安庾信杏花詩春色方盈野烟氣籠青閣

江淹
杉頌

枝枝綰翠英劉孝綽詩尚識杏間堂長入烟氣永參鶯
自驚魏都賦皎日籠光於綺寮王融詩懷芳步青閣謝

賦詩拂霧朝青閣江淹詩

朝與佳人期日夕望青閣

流文蕩畫橋

尋山志

泉濤石

賦瀾文復動波色還驚又流浦照文王筠詠輕利舟詩

凌波漾鵲彩汎舟渙蛟文上林賦隨風澹淡與波搖蕩

陰鏗詩畫橋長且

飛花隨蝶舞

梁簡文帝賦

玩飛花之

曲傍險復憑流

飛花隨蝶舞

度窻又首夏詩花蝶兩

飛翻謝朓詩花叢亂數蝶吳均詩花舞依長薄蛾

飛愛綠潭唐太宗序舞蝶遊絲帶清飈而散影

伴鶯嬌

梁元帝纂要古艷曲有北里靡靡陽阿之曲唐

太宗詩

進鶯無定曲王勃詩繁鶯歌似曲踈蝶

舞成行王褒詩初

今日陪歡豫

陸機詩居陪華幄出從

春麗景鶯欲嬌

朱輪沈約詩

攜手同歡

宴比跡共遊陪晉起居注太康元年詔曰江表初平天

下同其歡豫王公卿士各奉禮稱慶其於東堂小會設

樂使加於常擊虞觀魚賦既

還疑陟紫霄

水經注昇陟

歡豫而不倦願窮晝而兼夜

還疑陟紫霄

遠望山河滿

目陸機七徵雲階飛陛仰陟穹蒼南史朱异傳升紫霄之丹地鮑照與妹書左右青靄表裏紫霄

李白

宮中行樂詞

白自注
奉詔作

小小生金屋

晉書羊琇傳武帝手詔曰琇與朕有先后之親少小之恩漢武故事帝為膠東王時

長公主問曰兒欲得婦否曰欲得指女阿嬌好否笑曰若得阿嬌當作金屋貯之庾信春賦出麗華之金屋下飛燕之蘭宮駱賓王

盈盈在紫微

古詩盈盈樓上女皎皎當窓牖又盈盈一

詩椒房窈窕連金屋

水間脉脉不得語三秦記未央宮一名紫微宮七略王者體天而行明堂之制內有太室象紫微宮沈佺期詩龍向天門

山花插寶髻

徐陵詩山花臨舞席水影照歌床庾信詩野鳥繁弦轉山花焰

入紫微

火然謝朓梅詩用持柳雲髻翡翠比光

石竹繡羅衣

沈

期詩閑花開石竹幽葉吐薔薇考工記五采備謂之繡注繡修也文修然遺讓章華臺賦羅衣綵組綺繡紛

范雲樂府朝雲觸石起暮雨潤羅衣每出深宮裏

雨雅宮謂之室注宮宮也屋見垣上穹穹然戰

國策居深宮之中說苑入常隨步輦歸

左思西都賦乘茵步輦惟所息

宴庾肩吾詩北園涼氣早步輦整道遙樂史李翰林外傳開元中禁中初重木芍藥因植於興慶池東沉香亭

前花方繁開上乘照夜車太真妃以步輦從只愁歌舞散

詩式歌且舞漢書外戚傳李夫人兄

延年性知音善歌舞嵇康琴賦序八音之器歌舞之象歷世才子並為之賦陶潛詩清歌散新聲劉潛詠舞詩

迴履裾香散飄衫鈿響傳化作彩雲飛

江淹麗色賦其少進也如彩雲出崖又秦女讚清琴既曠

世綠珠亦絕羣猶不及秦女十五乘彩雲漢武帝秋風
解秋風起兮白雲飛吳均詩欲知三青鳥簾上素雲飛
王勃詩盡棟
朝飛南浦雲

又

盧橘為秦樹

上林賦盧橘夏熟注應劭曰伊尹曰箕山之東青鳥之所有盧橘夏熟晉灼曰盧黑

也格物論杜杞三四月成實一名盧橘本草注金橘有
盧橘之稱盧黑色也或云盧酒器之名其形肖之故也
文選注以杜杞
為盧橘誤矣
蒲萄出漢宮
史記大宛以蒲萄為酒富人藏酒至萬餘石久者數

十歲不敗漢書李廣利為貳師將軍破大宛得蒲萄種
歸漢起都賦蒲萄結陰間居賦若榴蒲萄之珍上林賦

櫻桃蒲萄

烟花宜落日

陳子昂詩烟花飛御道羅綺照
羅乎後宮
昆明何安樂郎曹觀樂詩落日

廣域絲管醉春風

漢書絲曰弦竹曰管張禹傳後堂理絲竹管弦蕭子雲詩春風蕩蕩羅帳

笛奏龍吟水

馬融笛賦近世羌笛從羌起龍鳴水中不見已截竹吹之聲相似盧思道詩笙隨山

上鶴笛奏

簫鳴鳳下空

吳都賦權謳唱簫籟鳴列仙傳簫史者秦穆公時人善吹簫穆

水中龍

公女弄玉好之公配焉乃教弄玉作鳳鳴一日夫妻同隨鳳飛去故秦時建鳳女祠於雍宮世有簫聲云君

王多樂事

詩朱芾斯皇室家君王左傳與君王哉易林百餘具舉君王嘉喜謝靈運詩序天下良辰

美景賞心樂事四者難并

還與萬方同

書誕告萬方孟子此無他與民同樂也史記貨殖傳乃與

王者同樂易林東鄰西國福善同樂詩君子樂胥疏與天下皆樂樂之大者中論君子無羽籥之樂而萬民樂之

王維

送元中丞轉運江淮

周禮天官凡宮之糾禁注糾猶割也察也若今御史

中丞漢書百官表御史大夫有兩丞一曰中丞在殿中蘭臺掌圖籍外督部刺史內領侍御史受公卿奏事唐書百官志御史臺大夫一人中丞二人為之貳後漢書來歙傳帝於是
是大轉糧運詔歙率征西大將軍馮異入天水擊破公孫述將田弇唐書元載傳至德中累遣戶部侍郎充度
支江淮轉運等使

薄稅歸天府

孟子易其田疇薄其稅歛周禮天府掌祖廟之守藏又及大比登民數自生齒以上

登於天府唐書百官志天府院藏瑞應及代國所獲之寶褊裕則陳於廟庭
輕徭賴使臣
史南

竟陵王子良傳子良密啓請原除通租又陳寬刑息役
輕賦省徭王融文恤貧緩賦省徭慎獄左傳四牡君所
以勞使
歡沾賜帛老
宋書裴松之傳遠猷形於雅誥惠
詔播乎遐陬或有扶老携幼稱歡

道左傳休奕樂歌澤露地境化充天寓漢書文帝紀詔
曰老者非帛不暖非肉不飽今歲首不時使人存問長
老又無布帛酒肉之賜豈稱養老之意哉有司
請令縣道年九十以上賜帛人二匹絮三觔
恩及卷

綃人

司馬相如文威武紛紜湛恩汪濊羣生霑濡洋溢
乎方外荀厥詩洪恩普暢慶及羣臣左思吳都賦

泉室潛織而卷綃淵客懷慨而泣珠陶弘景水仙賦弄
珠於淵客之庭卷綃乎鮫人之室博物志南海外有鮫

人水居如魚不廢
機織其眼能泣珠

去問珠官俗

禮記入國而問禁入門
而問俗吳志黃武七年

改合浦為珠官郡又薛綜傳趙陀起番禺懷服百越之
君珠官之南是也水經注交州合浦郡治合浦縣漢武

元鼎六年平越所置也孫權黃武七年改曰珠官郡郡不產穀多採珠寶

來經石蛙春

王儉詩露

華方照歲雲彩復經春南越志石蛙形如龜脚得春雨則生花花似草花郭璞江賦石蛙應節而揚葩李善注

蛙音切江淹石蛙賦序

東南御亭上

古樂府日出東南隅照我秦氏樓鮑

照贈馬子喬詩東南望河尾西北隱崑崖庾肩吾詩郵

亭一回望風塵千里昏按詩紀注御亭吳大帝所建在

晉陵今作郵亭誤也姑蘇志望亭驛去郡北五十里

莫

使有風塵

班固答賈戲彼有攝風塵之會陸機詩京洛多風塵吳邁遠詩人馬風塵色庾信詩馬有

風塵氣人多關塞衣

杜甫

晚出左掖

趙汭注宣政殿左右有中書門下二省公時為左拾遺屬門下故曰左掖

漢書成帝紀注掖門在兩旁言如人臂掖也

晝刻傳呼淺

南史沈洙傳去夜促之昧從晝刻之明梁漏刻經冬至晝漏四十五刻夏至晝漏六

十五刻五經析疑春秋分晝夜各五十刻陸倕新漏刻銘衛宏載傳呼之節注衛宏著漢儀使夜漏起宮衛傳呼以為備唐書儀衛志朝日御史大夫領屬官至殿西廡從官朱衣傳呼促百官就班庾信詩傳呼擁絳節張

說詩傳呼大駕來本集注傳呼春旂簇仗齊禮記孟春淺謂傳呼在晝不若夜之遠也

春旂簇仗齊

禮記孟春之月載青

旂爾雅有鈴曰旗劉熙釋名交龍曰旂旂倚也庾信賦楊柳共春旗一色唐書儀衛志元日大朝青旂仗居威

衛之次整甲弓箭箭櫛退朝花底散論語子退朝國語公父文伯退朝朝其母

春明退朝錄唐日御宣政殿殿列細仗兵部旗幡等於
廷朝官退皆賜食文呂雜錄杜甫詩云退朝花底散歸
院柳邊迷乃知唐朝殿廷多歸院柳邊迷雅錄宣政殿
種花柳今殿廷惟對植楸槐
省別有中書門下外省又在承天門外兩省官亦分左
右各為廨舍按歸院即左拾遺之廨舍也梁元帝檐柳
詩林邊通粉色葉裏映紅巾陳後主詩楊柳春樓
邊謝朓詩歸徑窅如迷宋之問詩叢篁夾路迷樓雪

融城濕

漢書成帝紀帝居桂宮嘗出龍樓門注門樓上
有銅龍春秋元命包陰疑為雪說文融吹氣上

出也廣韻融和也朗也魏文帝登城賦陟彼城樓道遙
遠望孫楚賦有都城之百雉加層樓之五尋晉書陶侃
傳正會積雪始晴廳事前餘雪皆宮雲去殿低雅錄東
濕梁簡文帝雪朝詩復視珠簾濕
央宮其基已高故宮殿皆出長安城上而唐大明宮尤
在高處故舍元殿基高於平地四丈舍元之北為宣政

宣政之北為紫宸每退北則又加高至紫宸則極矣陰鏗詩新宮實壯哉雲裏望樓臺庾信詩陰雲歛向低又

雲低馬上人初

學記殿大堂也避人焚諫草

晉書羊祜傳歷職二朝其嘉謀讜論皆焚其草南史

謝弘微傳每獻替及陳事必手書焚草人莫之知又徐勉傳每有表奏輒焚草稿劉辰翁注焚諫草不欲人知也避人而焚騎馬欲鷄棲南史顏延之傳延之好騎馬并掩其迹矣遊遊里巷宋之問詩縱情猶未已回馬欲黃昏詩日之夕矣鷄棲于埭又鷄棲于桀爾雅鷄棲于桀為桀鑿垣而棲為埭

高適

別馮判官

唐書百官志節度使判官掌書記一人觀察使判官支使掌書記一人

碣石遼西地

書冀州夾右碣石入於河傳碣石海畔山疏地里志碣石山在北平驪城縣西南是

碣石為海畔山也水經注碣石山在遼西臨渝縣南水中也一統志永平府碣石山在昌黎縣西北二十里漢書地理志遼西郡秦置薛道衡詩前年過代北今歲往遼西一統志遼西城在永平府治東西漢為郡隋省

漁陽薊北天

漢書地理志漁陽郡秦置又陳勝傳秦二世元年秋七月發閭左戍漁陽九百人一

統志薊州在順天府東二百里本秦漢漁陽郡唐置薊州天寶改漁陽郡乾元初復為薊州又古薊門關在薊州孔稚圭白馬篇徵兵

離薊北輕騎出漁陽

關山惟一道

徐陵詩關山二三

信詩遙看塞北雲懸想關山雪樂府解題關山月傷別離也古木蘭詩萬里赴戎機關山度若飛相和曲有度關山亦類此唐書地理志太宗元年因

山川形使分天下為十道一曰關內

雨雪盡三邊

詩

我往矣黍稷方華今我來思雨雪載途釋文雨于付反又如字論衡雲霧雨之徵也夏則為露冬則為霜溫則

為雨寒則為雪皆由地發不從天降張正見詩軌文通萬國旌節靖三邊唐太宗詩執契靜三邊持衡臨萬姓

小學紺珠三邊幽并涼

才子方為客

左傳昔高陽氏有才子八人蒼舒隤

三州後漢鮮卑寇三邊

鼓櫓戴大臨危降庭堅仲容叔連天下之民謂之八愷高辛氏有才子八人伯奮仲堪叔獻季仲伯虎仲熊叔豹

季狸天下之民謂之八元潘岳西征賦終童山東之英

妙賈生洛陽之才子左傳季氏飲大夫酒臧紇為客史

記平原君傳平原君曰毛先生一至楚而使趙重於九

鼎大呂遂以為上客又周昌傳沛公以周昌為職志周

苛為

將軍正渴賢

老子偏將軍居左上將軍居右吳語十旌一將軍載常建鼓挾經秉枹漢

書蕭何傳何進韓信漢王以為大將軍公羊隱公三年

傳注渴喻急也任昉求薦士詔庶同則哲之明稱朕急

賢之

遙知幕府下

史記李牧傳常居鴈門備匈奴以便宜置吏市租皆輸入幕府為士卒費

注古者出征以幕帟為府署故曰幕府漢書李廣傳廣行無部曲行陣幕府省文書注衛青征匈奴大克獲帝就拜大將軍於幕中因曰幕府侯信賦幕

書記日翩翩

魏文帝典論琳瑯之章表書記今之雋也又與吳質書元瑜書記翩翩致足樂也唐書百官志掌書記掌朝覲聘問慰薦祭祀祝之文與號令升絀之事景龍元年置史記平原君傳贊平原君翩翩濁世之佳公子也漢書叙傳魏其翩翩好節慕聲北史祖瑩傳祖瑩與陳郡袁翻齊名秀出時人語曰京師楚楚袁與祖洛中翩翩祖袁與

李白

觀獵

太守耀清威

漢書郡守秦官掌理其郡景帝中更名太守唐書天寶元年改刺史為太守班固西

都賦耀威靈而講武事張衡東京賦三農之隙曜威中原庾肩吾詩勁氣方凝酒清威正折綿

乘閒弄

晚暉

謝朓遊山詩託養因支離乘閒遂疲蹇陳良詩日暮河橋上揚鞭惜晚暉陳後主詩晚日落餘暉

江沙橫獵騎

梁元帝駕鵞賦朝浮兮浪華夜集兮江沙李德林詩蕭關獵騎旋庾信碑連營函谷

獵騎

山火繞行圍

庾信詩獵火一山紅又空山獵火明高昂詩朝朝圍山獵庾信詩山村落

獵箭逐雲鴻落

張正見和遊獵詩饑鳥落箭鋒王胄雁詩行斷由驚箭說文鴻鵠也大曰鴻小

曰雁江淹詩雲邊有征鴻徐陵詩珠彈落雙鴻

鷹隨月兔飛

禮記立秋日鷹乃擊孫楚鷹賦擒狡

兔於平原論衡夫兔月氣也劉孝威詩高且掩月兔

不知白日暮

齊高帝塞客吟白日西斜江淹

詩系秋馳白日左傳曰云暮矣江淹詩日暮崦嵫谷歡賞夜方歸謝靈運詩心歡
此酬德賦苦清願之倏忽愴歡賞之多違陸機百年歌終朝出遊薄暮歸六情遊豫心無違

宋之問

陸渾山莊

唐書地理志河南府有陸渾縣又伊闕縣有陸渾山元和郡縣志陸渾縣

本陸渾戎所居春秋時秦晉遷陸渾之戎於伊川至漢為縣屬弘農郡後魏改伏流大業省伏流改陸渾於今理一統志河南府嵩縣在府城南一百六十里縣東北四十里陸渾山一名方山伊水出焉

歸來物外情

詩孟歸乎來劉安招隱士王孫兮歸來左思詠史詩陳平無產業歸來翳負郭梁簡

文帝神山寺碑智周物外又詩塵中喧慮積物外來
情捐蕭子良遊後園詩託性本禽魚棲情閑物外

負

杖閱巖耕

南史沈麟士傳披褐負杖忘其疲病陶潛詩
負杖肆遊從掩留忘宵晨又歸去來辭懷良

辰以孤往或植杖而芸耔揚子法言谷口鄭子真耕於

巖石之下名震京師顏延之詩空食疲廊肆反稅事巖

耕源水看花入如雪陸渾山中花始發陶潛桃花源記

源水看花入

又之問寒食陸渾別業詩洛陽城裏花

晉太元中武陵人捕魚忽逢桃花林林盡水源便得一

山山有小口髣髴若有光便捨舟從口入何遜詩看花

時轉側鄭愔山亭獻詩無幽林採藥行班固西都賦其

勞秦漢陽別訪武陵花陽則崇山隱天

幽林空谷王少頭陀寺碑撫撫亭舉幽幽林薄後漢書

逸民傳龐公者南郡襄陽人也居峴山之南未嘗入城

府後攜妻子登虎門山因採藥不返晉書嵇

康傳嘗採藥遊山澤郭璞詩採藥遊名山野人相問

姓

嵇康與山巨源書野人有快炙背而美芹子者欲獻之至尊庾信奉和趙五隱士詩雖無亭長識終見野

人傳史記郭解傳有一人箕踞俟之解遣人問其姓名傳燈錄有童子遇四祖祖問有姓也無

山鳥自

呼名

鹽鐵論曾子倚山而吟山鳥下翔劉勰新論漢順帝聽山鳥之音云勝絲竹之響禽經杜鵑江介曰

子規啼苦則懸樹自呼曰謝豹異物記鷓鴣鵲黑白成文其名自呼

去去獨吾樂

世說劉

吏部郎小令史齋牛酒詣之道真曰去去無可復用相報沈約贈劉真人詩待余兩岐秀去去掩柴扉宋玉神

女賦私心獨悅樂之無量石

無能愧此生

禮記其難進而易退也粥

粥若無能也戰國策孟嘗君問馮驩客何能曰客無能謝瞻詩長揖愧吾生陶潛詩聊復得此生

王勃

郊興

空園歌獨酌

梁簡文帝詩空園暮烟起逍遙獨未歸鮑照園葵賦秋日晨暎獨酌南軒沈炯獨酌

詠獨酌詠獨酌

春日賦閒居

詩春日遲遲梁元帝春日詩春還春節美春日春風過潘

岳間居賦序乃作閒居賦以歌事遂情焉曹植遊觀賦靜閒居而無事

澤蘭侵小徑

博雅虎蘭

澤蘭也本草生於澤旁故名澤蘭謝靈運詩澤蘭漸被徑沈約詩澤蘭被荒徑庾信賦入畝斜之小徑

河

柳覆長渠

爾雅揜河柳注今河旁赤莖小楊江總詩岸綠開河柳劉苞詩河柳低未舉薛道衡詩垂

柳覆金堤夏侯湛澤

雨去花光濕

宋玉高唐賦風止雨霽雲無處所梁簡文

帝詩雨罷葉生光陳後主詩暎日花光動迎風香氣來江總詩雨駛紅芳濕晚笑

風歸葉影疎

陳書樂志歲云獻谷風歸陸機樂府願托歸風響梁簡
文帝詩花枝風上轉葉影樹中移張正見鮑歌行彎弧
貫葉影邢卽詩
桐影傍巖踈
山人不惜醉
楚辭山中人兮芳杜若孔
雅圭北山移文蕙帳空兮
夜鶴怨山人去兮曉猿驚晉子夜歌
傾倒無所惜詩厭厭夜飲不醉無歸
惟畏綠尊虛
後漢書孔
融傳融嘗嘆曰座上客常滿尊中酒不空吾無憂
矣沈約詩憂來命綠尊唐太宗詩盈尊浮綠蟻

王維

酬張少府

通典少府秦官漢因之是為九卿掌
山海地澤之稅以給供養應劭曰山

海地澤之稅名曰禁錢以給私養自別為藏
少者小也故稱少府顏師古曰大司農供軍
國之用少府以養天子也
天子曰少府諸侯曰私府

晚年惟好靜

南史陶弘景晚年惟聽吹笙盧思道詩晚年遊赤松老子我無為而民自化我好靜

而民自正道德指歸論含德之士其為虛也非好靜而惡擾也

萬事不關心

禮記百官得其宜萬

事得其理史記皇帝并宇兼聽萬事遠近畢清運理

羣物後漢書萬事不理向伯始鮑照詩萬曲不關心 自

顧無長策

曹植贈白馬王彪詩自顧非金石郭璞詩自顧非把梓江淹詩慨無幄中策

空知

返舊林

柳惲詩徒知遊宦是謝莊詩崇館非陳宇茂苑豈舊林張說和魏僕射還鄉詩富貴還鄉國尤

輝滿 松風吹解帶

南史陶弘景性愛松風論註詩懸崖下桂月深澗響松風張正見詩松吟

欲舞風戾信文松長風遠地厚泉肥沈約樂府羅衣夕解帶玉釵暮垂冠王筠詩月至每開襟風過時解帶

山月照彈琴

上官儀詩鵲飛山月曙蟬噪野風秋尚書大傳子夏曰退而巖居作壤室彈琴其中

以歌先王之風齊書柳世隆傳晚專以談義自業善彈琴世稱柳公雙環庾信詩彈琴鶴欲舞

君問窮

通理

穀梁傳君問之易易窮則變變則通莊子子貢曰古之得道者窮亦樂通亦樂所樂非窮通也道得

於此則窮通為寒暑風雨之序矣

漁歌入浦深

屈原漁父漁父莞爾而笑鼓枻而去乃歌曰滄

浪之水清兮可以濯吾纓滄浪之水濁兮可以濯吾足王勃上巳浮江讌序漁歌互起謝靈運賦入極浦而遭

四

山居即事

寂寞掩柴扉

後漢書馮衍傳陂山谷而閒處兮守寂寞而存神新語寂寞而無隣客廂而獨寐陶

潛詩白日掩荆扉虛室絕塵想虞炎詩一乘當春別方掩故園扉范雲詩還聞稚子說有客歎柴扉沈約詩去

去掩
柴扉
蒼茫對夕暉

梁元帝詩秋氣蒼茫結孟津陰鏗詩
蒼茫歲欲晚梁簡文帝招真館碑旭

日晨臨同迎若華之色夕

鶴巢松樹遍

神境記蒙陽郡南有石室室後

有孤松千丈常有雙鶴晨必接翮夕輒偶影說文鶴似

鵠長喙陸機詩疏黃鶴古人嘗言之又多言鵠鵠即是

鶴音之轉庾信詩短松猶百尺少鶴已千年又鵠巢堪

煉石蜂房得黃金徐陵雙林寺碑百紀遊龜皆登蓮葉

千齡壽鶴或舞松枝

人訪華門稀

陳子昂詩聞鶯忽相訪題鳳久徘徊杜預

論水利疏往者東南草創人稀故得水田之利十洲記

巨海中有十洲乃人跡所稀絕處左傳華門閨竇之人

注華門柴門閨竇小戶

綠竹含新粉

張協詩浮陽暎翠林迴颺扇綠竹謝

上銳下方狀如圭也

眇杜若賦蔭綠竹以掩留藉幽蘭而容

紅蓮落故衣

謝

與徐陵詩嫩竹猶含粉初荷未聚塵

詩紅蓮搖弱荇丹藤繞新竹梁簡文帝詠蛺蝶詩翠鬢
藏高柳紅蓮拂水衣庾信詩槐庭垂綠穗蓮浦落紅衣
又蓮衣 **渡頭烟火起** 梁簡文帝烏棲曲採蓮渡頭擬黃
落夏渠 渡頭列子庖厨之下不絕烟火史記律書天下殷富粟
至十餘錢鳴雞吠狗烟火萬家江淹詩歸人望烟火范
雲詩江干遠樹浮天末孤 **處處採菱歸** 梁元帝詩處處
烟起王褒詩漠漠村烟起 **處處採菱歸** 春芳動日日春
禽變紫號賦得處處春雲生詩春色遍空明春雲處處
生廣韻菱芰也通作菱西京雜記太液池中有採菱舟
劉勰新論伏臘合歡必歌採菱七命榜人奏採
菱之歌謝靈運詩採菱調易急江南歌不緩

孟浩然

尋白鶴巖張子容隱居

才子傳張子容襄陽人
與孟浩然同隱鹿門山

開元二年擢進士第為樂城令

白鶴青巖畔

沈約赤松淵詩何時當未還延佇青巖幽裏楊師道詩青巖類姑射碧澗似汾陽

人有隱居

陸機幽人賦世有幽人漁釣乎玄渚陶潛書鳳隱於林幽人在丘論語隱居放言梁書陶

弘景傳止於句容之句曲山

堦庭空水石

晉書羅含傳含致仕還階

中山立館自號華陽隱居

庭忽蘭菊叢生曹植詩閑房何寂寞綠草被堦庭庾信賦堦庭空谷門巷蒲輪水經注靈石臨江壁立霞駁有

若繒焉水石驚端傳響不絕宋書

林壑罷樵漁

謝靈運詩林壑

隱逸傳論巖壑間遠水石消華

欽暝色雲霞收夕霏沈約賦挹林壑之清曠劉孝勝詩林壑秋籟急傳亮賦嗣良頌於多稔兆嘉夢於樵漁孔

魚詩蘭澤

歲月青松老

古詩思君令人老歲月忽已晚梁簡文帝詩酒闌時節久桃生

伴樵漁

歲月稀郭璞賦青松冠谷赤
蘿繡嶺江淹詩青松挺秀萼
風霜苦竹踈

枚乘賦弱絲青管與風霜

而共凋支遁詩玉質凌風霜淒淒屬清趣齊民要術竹
之醜者有四曰青苦白苦紫苦黃苦竹譜苦竹有白有

紫而味苦

覩茲懷舊業

晉書桓溫傳自永嘉之亂播遷江表者請一切北從以實河南資其舊業

反其宅字謝靈運詩舊

業臨海外燕穢寄顏齡

攜策返吾廬

陶潛詩良辰入奇懷挈策還西廬又

詩東島欣有託吾亦愛吾廬劉孝
綽詩時時釋簿領鳴騶入吾廬

宋之問

壽陽王花燭圖

案壽陽王無考劉孝綽贈美人詩欲寄同花燭為照遙想思庾

信詩洞房花燭

明燕餘雙舞輕

仙媛乘龍日

詩展如之人兮邦之媛也崔駰婚禮結言爰定天綱夫婦作始乃降英媛有淑其儀

說文媛美女也初學記黃尚為司徒與李元禮俱娶太尉桓焉女時人謂桓叔元兩女俱乘龍言得婿如龍也

天孫捧鴈來

博物志泰山一曰天孫言為天帝孫也詩雖離鳴鴈旭日始旦箋鴈者隨陽而處似

婦人從夫故婚禮用焉疏鴈生執之以行禮故言鴈聲六禮惟納徵用幣餘皆用鴈也

可憐桃李

徑

陶潛讀山海經詩翩翩三青鳥毛色奇可憐世說孫綽種一株松恒自手壅治之高世遠語孫曰松樹子

非不楚楚可憐但無棟梁用耳孫曰楓柳雖合抱亦何所施詩何彼穠矣華如桃李箋華如桃李者興王姬與

齊侯之子顏色俱盛史記李廣傳贊桃李不言下自成蹊注桃李不能言但以華實感物故人不期而往其下

自成蹊徑梁昭明太子啟走野馬於桃源飛少更繞鳳女於李徑許敬宗詩忽若瓊林曙俄同李徑春

鳳臺

史記司馬相如傳以琴心挑之注其詩曰鳳兮鳳兮歸故鄉遊遨四海求其凰又曰鳳兮鳳兮從鳳

棲得託子尾永為妃仙傳拾遺蕭史善吹簫能致孔雀白鶴穆公以弄玉妻之遂教弄玉作鳳鳴鳳凰未止其

屋公為作鳳臺十數年一旦弄玉乘鳳蕭史乘龍昇天而去

燭照香車入

戰國策甘茂曰江上

之處女有家貧而無燭者處女相與語欲去之無燭者謂處女曰妾以無燭故常先至埽室布席何愛於餘明

之照四壁者處女以為然而留之庾信謝滕王序集故甘泉宮裏玉樹一叢元武闕前明珠六寸不得譬此光

芒方斯燭照詩曷不肅雖王姬之車陳後主詩龍媒玉珂馬鳳軫繡香車盧思道詩時搖五明扇聊駐七香車

花臨寶扇開

何仲誼七夕詩凌風寶扇遙臨月映水仙車遠渡河梁簡文帝詠舞詩扇開衫影亂

中度履莫令銀箭曉鮑照觀瀾賦觀騰波之吞寫視驚行疎箭之登沒陸倕新漏刻銘銅史司

刻金徒抱箭周禮茅室氏疏漏箭晝夜共百刻
冬夏之間有長短焉太史立成法有四十八箭
為盡合

歡杯

禮記酒食者所以合歡也劉勰新論伏臘合惟必
歌采菱梁武帝秋歌綳帶合歡結錦衣連理文陳

後主臨高臺詩臨窓
已響吹笙眺且傾杯

劉長卿

送張判官還京觀省

春蘭方可采

韓詩三月上已挑花水下時浴於溱洧水
執蘭脩禊祓除不祥說文蘭香草也梁元

帝詩春蘭本無艷春澤最歲蕤東晉詩循彼南陔言采
其蘭注循陔以采香草者將以供養其父母喻人求珍

異以

此去葉初齊

楚辭綠葉兮紫莖正義其莖葉似藥
草澤蘭廣而長節節中赤高四五尺

梁簡文帝春詩紫蘭葉初滿朱子楚辭辨證按本草言
蘭似澤蘭則今處處有之蕙則自為零陵香其與人家
所種皆不相似大抵古之所謂香必其花草皆香而燥
濕不變故可刈而為佩若今之所謂蘭蕙則其花雖香
而葉乃無氣其香雖美而質

函谷鶯聲裏

元和郡縣志
按秦函谷關

在漢弘農縣即今靈寶縣西南十一里故關是也漢武
帝元鼎三年揚僕為樓船將軍本宜陽人恥居關外上
疏請以家僮七百人徙關於新安武帝從之即今新安
縣東一里函谷故關是也至後漢獻帝初平二年西辛
長安出函谷關自此已前其關並在新安其後二十年
至建安十六年曹公破馬超於潼關則是中間徙於今
所歷二處而至河潼又西征記曰函谷關城路在谷中
深險如函故以為名東自崤山西至潼津通名函谷蕭
慙賦二月鶯聲繞欲斷三月春風
已復流孫萬壽詩函谷早鶯鳴

秦山馬首西

一統志
秦山在

河南府西南二十五里俗云秦頭魏尾因名左傳荀偃
今日鷄鳴而駕塞井夷竈惟予馬首是瞻樂騷曰晉國
之命未是有也余馬首欲東趙景真書曰庭幃新栢署
薄西山則馬首靡託王褒詩馬首倦西征
說文幃單帳也陽州幽蘭賦美庭幃之孝子循
南陔而采之漢書朱博為御史大夫府中列栢門館舊
桃蹊沈約詩門館有盈虛史記李廣傳桃李不言下自
成蹊廣韻蹊徑路虞綽詩桃蹊日影亂盧思道詩
落錦覆春色長安道謝朓詩兒洛佳遊遊春色滿皇州
桃蹊庚信詩春色方盈野枝枝綻翠英
梁元帝賦洛陽小苑之西長安大道之東
陳昭長安道詩長安開綉陌三條向綺門
班固答賓戲入時君之門闥崇邑獨斷東南
稱門西北稱闥應璩書入侍華幄出典禁闥

岑參

夜過盤石隔河望永樂寄閨中效齊梁體

唐書地理

志永樂縣屬河中府武德元年置一統志蒲州在平陽城西南四百五十里古為蒲坂地開元中改為河中府滄浪詩話齊人盛為文章吳興沈約琅邪王融以氣類相推較汝南周顒善識聲韻互叶宮商時呼永明體梁簡文帝為文輕靡時徐摛以家令帶領直文心既別春坊盡學之宮體之號自斯為始合兩朝而言之曰齊梁體通魏周而言之曰南北朝體與齊梁體一也

盈盈一水隔

庾信詩含笑盈盈自看古詩盈盈一水間脉脉不得語潘岳賦眷故鄉之遠隔李白

詩渺然一水隔

寂寂二更初

南史王融傳融為中書郎嘗撫案歎曰為爾寂寂鄧禹笑人左思詩

寂寂揚子宅伏知道詩二更愁未央
波上思羅襪李白詩空

高城寒夜長樂府古辭寂寂人定初

餘後湖月波上對江州曹植洛神賦體迅飛鳧飄忽若

神陵波微步羅襪生塵南都賦羅襪躡蹠而容與張說

詩仙浦魚邊憶素書宿感歌滄浪之水白石槃中有鯉

生羅襪魚長尺半古詩客從遠方來遺我

雙鯉魚呼兒煮鯉魚中有尺素書月如眉已盡駱賓王詩峨眉

注生帛也江淹賦承遠書於江渚

山上月如眉梁武帝遊女曲容色玉耀眉如月到孝威

綃涼詩月纖張敞畫海錄薛事唐畫工畫十眉圖六曰

月後眉又雲似鬢新梳陳後主詩山雲遠相似張正見詩王孫春好遊雲鬢不勝愁王

名却月

初春思賦彈鬢春物知人意沈約賦春春物而懷之聞

梳時鬢欲斜

長憔悴春物自芳菲後漢書竇融傳詔曰將軍

數執謙退何不曉人意李白詩綠水解人意

桃花笑

索居

禮記仲春之月桃始華王維輞川別業詩水上桃花紅欲然沈攸之詩持底喚歡來花笑鶯歌詠

記子夏曰吾離羣而索居亦已久矣
謝靈運詩索居易永久離羣難處心

沈佺期

和洛州康士曹庭芝望月有懷

一作康庭芝詩又作宋之問詩

舊唐書地理志河南府隋河南郡武德四年
討平王世充置洛州總管府開元元年改洛
州為河南府一統志東魏改司州為洛州尋
改豫州唐初復為洛州高宗以此為東都唐
六典京兆河南太原牧及都督刺史各有士
曹司士叅軍掌津梁舟車舍宅百工衆藝之
事啟塞必從其時役使不奪
其力國秀集庭芝河陰令

天使下西樓

尸子使星司夜月司時猶使雞司晨也鮑照翫月詩始見西南樓纖纖如玉鉤庾肩

吾詩天禽下北

光含萬里秋

沈亞秋興賦月朧朧而含光劉孝威詩月麗嫦娥影

闕織女入西樓

星含織女光梁簡文帝詩

臺前疑挂鏡

世說溫嶠從姑有一女甚有姿

玉署清餘熱金城含暮秋

慧姑屬公覓塔公密有自婚意却後少日報姑云已覓

得塔身名宦盡不減嶠因下玉鏡臺一枚姑大喜玉鏡

臺是公為劉越石長史北征劉聰所得謝朓鏡臺詩垂

龍掛明月庾信鏡賦能橫却月巧挂迴風梁武帝歌珊

瑚挂鏡爛生光古詩破鏡飛上

簾外似懸鉤

虞騫視月詩清夜未

天樂府解題破鏡者月半缺也

云疲珠簾聊可發劉孝綽望月詩髣髴鑒窓簾張正見

詩分簾鉤碎壁隔幔似懸鉤梁武帝詩落月似懸鉤梁

簡文帝烏棲曲浮

張尹將眉學

漢書張敞傳敞為婦畫眉長安中傳張京兆眉

雲似帳月如鉤

懶注懶音嫵鮑照翫月詩娟娟似娥眉虞騫詩冷
冷玉潭水映見娥眉月庾信賦京兆新眉遂懶約班姬

取扇儔

漢書外戚傳成帝遊於後庭常欲與班婕妤同
輦載婕妤辭太后聞之喜曰古有樊姬今有班

婕妤班婕妤詩新裂齊紈素鮮紫如霜雪裁為合
歡扇團團似明月江淹詠班婕妤詩紈扇如圓月佳期

應借問

謝莊月賦佳期可以還微霜霑人衣謝朓詩宿
昔夢佳期張協詩借問此何時江總詩借問藏

書為報在刀頭

古詩何當大刀頭樂府解題大刀頭者
刀頭有環也何當大刀頭者何日當還

也

杜甫

春夜喜雨

好雨知時節

詩零雨既零注喜雨也禮記季春之月時雨將降下水上騰史記甘露降時雨至司

馬相如封禪文甘露時雨厥壤可遊曾植詩白日曜青春時雨靜飛塵禮記饗帝於郊而風雨節寒暑時史記

歷書明時正度則陰陽調風雨節魏文帝令風雨應節禎祥觸類而見王褒詩時節無春冬當春乃

發生

抱朴子藏華於當春雨雅春為青陽一日發生楚辭春氣奮發萬物遽只莊子春氣發而百草生潛

夫論春夢發生夏夢高明秋冬夢熱藏此謂應時之夢也隨風潛入夜列子心凝神釋隨風東西

庚信啟行雲逐雨迴雪隨風張正見梅林輕雨詩詎得零陵燕隨風時共舞鹽鐵論周公太平之時句而一雨

雨必以夜傳咸喜雨賦方中降雨旦夜迄今生我百穀粒我蒸民埤雅鸞入夜而歌鳳入朝而舞潤物

細無聲

易雨以潤之吳志賊均曰繼之以雲雨因以潤物晉書涼武昭王傳信乾坤之相成庶物希風

而潤雨劉孝威晚雨詩交枝含晚潤陰鏗詩綠野含膏
潤青山帶濯枝拾遺記行者歌曰清風細雨雜香來梁
簡文帝詩冷風雜細雨張正見詩細雨濯梅林禮記聽
於無聲賈賈王曰雨尋菊序滴瀝空庭竹響共雨聲相
亂

野徑雲俱黑

沈約詩野徑既盤紆楊師道詩野徑香
恒滿山階筍屨侵鮑照賦雲徑今海衝

上潮兮送風史記天官書雲氣有獸居上者勝自華以
南氣下黑上赤黃子發相雨詩常戊申日候日欲入時

上有冠雲黑者
大雨青者小雨

江船火獨明

宋書武帝紀公單船過江
逕至京口梁武帝望江中

月影詩裂紈依岸草斜桂逕行船何遜詩澄江照遠火
夕霞隱連檣陰鏗詩溜船惟識火驚鳧但聽聲禮記三

公一命卷疏火取其明庚信
詩暗巖朝石濕空山夜火明

曉看紅濕處

古樂府神仙
篇紫府事朝

看到對雨詩濕槐仍足綠沾桃更上紅梁簡文帝詩
風高暗綠凋殘柳雨駛芳紅濕晚芙蓉世南逢雨詩隴

麥露逾翠山

花濕更燃

花重錦官城

梁簡文帝賦得入替雨詩清
花枝覺重濕鳥羽飛遲華陽

國志成都西城故錦官也錦江織錦濯其中則鮮明濯
他江則不好故命曰錦里也益州記錦城在益州南笮
橋東流江南岸昔蜀時故錦官也其處號錦里城元和
郡國志錦城在成都縣南十里故錦官城也一統志錦
官城在萬里橋南因其有錦官故名猶合浦之珠官也
梁元帝謝賡錦啟江波可濯豈藉成都之水盧照隣記
錦里淹中館
岷山稷下亭

孟浩然

和張丞相春朝對雪

迎氣當春至

後漢書明帝紀建初五年冬始行迎氣樂
注馬防上言臣愚以為可因歲首發大族

之律奏雅吹之音以逆和氣蔡邕谷齋議詔召尚書問
立春當齋迎氣東郊王僧孺詩旅心已多恨春至尚離

承恩喜雪來

晉書劉弘傳贊季和承恩建旗南服王
臺卿詩承恩奉教義方當弘受待徐陵

雪詩三農喜盈尺六出舞崇花吳

潤從河漢下

古詩河

均詩雪逐春風來飛集巫山野

淺相去復幾許晉書天文志天漢起東方經箕尾之間

謂之天河亦謂之漢津書水曰潤下沈約雪贊火競乃

上炎陰矯

花逼艷陽開

庾肩吾花雪詩飛花灑庭樹庾
信詩雪花開六出鮑照詠雪詩

亦下潤

茲宸雖為美

不覩豐年瑞

詩傳豐年之冬必有積雪謝
惠連雪賦盈尺則呈瑞於豐

當避艷陽年

安知燮理材

書燮理陰陽庾信義谷銘
序燮理餘暇披閱山經

撒鹽如可擬

世說謝太傅寒雪日內集俄而雪驟下公曰白雪紛紛
何所似兄子胡曰撒鹽空中差可擬兄女道韞曰未若

柳絮因

風起

願糝和美梅

釋名糝黏也相黏教也書若作和美爾惟鹽梅王融策秀才文鹽梅

之和實

有賴焉

盧照隣

春晚山莊率題

謝朓詩胡寧昧千里解珮拂山莊梁昭明太子詩棲鳥猶未翔

命駕出山莊李百藥詩懷

音自蘭室徐步返山莊

顧步三春晚

隋書音樂志顧步階墀阮德如詩顧步懷想像凌機詩俯仰紛阿那顧步咸可懼梁

元帝採蓮賦纖腰束素遷延顧步班固終南山賦三春之季孟夏之初陳後主詩綺殿三春晚玉燭四時平盧

思道詩惟畏三春晚勿言千載憂唐

太宗詩北闕三春晚南榮九夏初

田園四望通

漢書汲黯

傳隱於田園者數年又灌夫傳陂池田園陶潛歸去來辭田園將蕪胡不歸楚辭登崑崙兮四望王粲賦登茲樓以四望兮晉書王徽之傳嘗居山陰夜雪初霽月色清朗四望皓然江總詩山雲四望通陰鏗詩王城野望通

遊絲橫惹樹

梁武帝詩曉曉曉遊絲沈約詩遊絲暎空轉又遊絲暖如網蕭大園竹花賦暎

條絮滿煖路絲橫唐太宗初夏詩呀鶯猶響殿橫絲正網天古辭至今衣袖惹天香增韻惹引着也陳後主樂

府長相思怨成悲

戲蝶亂依叢

蕭大園賦戲蝶飛而帶英徐惟妻劉氏詩戲蝶

蝶縈草樹連絲

花間驚元萬頃詩花輕蝶亂仙人杏謝朓詩花叢亂數

蝶風簾入雙燕王筠詩叢蘭已飛蝶楊柳半藏鴉潘岳

詩託身

竹懶偏宜水

穆天子傳天子西征至於玄池乃奏廣樂三日是曰樂池乃樹之竹

依叢麻

沈佺期詩花蝶飛殊懶梁元帝詩拂簷應有意偏宜桃李人淮南子竹以水生江淹詩綠竹夾清水庾肩吾詩

水暎寄生竹

花狂不待風

齊民要術種桑候大蠶入簇以杖擊枝振落其狂花庾信賦落葉半

床狂花滿屋孫萬壽詩布葉共承露開花共待風沈約詩短幹未搖風徐孝先詩香來詎經火花散不隨風

惟餘詩酒意

朱起詩惟餘故樓月遠近必隨人岑之敬詩惟有將軍酒川上可除寒南史袁粲傳

祭獨步園林詩酒自適歷代吟譜梁祐嘗與朝廷名賢汎舟洛水以詩酒自娛易書不盡言言不盡意

當

了一生中

晉書畢卓傳卓嘗謂人曰右手持酒杯左手持蟹螯拍浮酒船中便足了一生矣

二

田家無四隣

應璩詩田家無所有酌醴焚枯魚又照隣詩田家自有樂周禮遂人掌邦之野以土

地之圖經田野造縣鄙形體之法五家為隣五隣為里庾信詩昨夜烏聲春驚鳴動四隣朱起詩孤舟無四隣

獨坐一園春

阮籍詩獨坐空堂上開元天寶遺事都人士女每至正月半後各乘車跨馬供帳於

園圃為探春之宴庾信詩人衣香一園梁簡文帝詩欲道春園趣復憶春時人梁元帝詩無令春色晚

鶯

啼非選樹

梁簡文帝詩鶯啼春欲駛無為空掩扉陰鏗詩鶯啼歌扇後花落舞衫前吳都賦鳥不擇

木廣韻選擇也唐太宗詩綠樹巧鶯啼

魚戲不驚綸

漢相和歌魚戲蓮葉間謝朓詩魚戲新荷

動晉書張駿傳姑臧謠曰鴻從南來雀不驚說苑呂望釣於渭渚魚無食者農人謂曰子將復釣必細其綸徐

徐而投之無令魚駭列

山水彈琴盡

左思賦山水有清音韓詩外傳伯牙

鼓琴鍾子期聽之志在高山子期曰巍巍如泰山志在

流水子期曰洋洋乎若江湖琴賦浩兮湯湯鬱兮我我

晉書嵇康傳今但欲守陋巷教養子孫時時與親舊叙

離澗濁酒一杯彈琴一曲志意畢矣馬融長笛賦曲終

闌盡餘弦更興羯鼓錄蜀客李琬夜聞羯鼓聲月下步尋鼓工曰曲下意盡乎工曰盡琬曰意盡即曲盡笑工

曰柰聲不盡何琬曰以他曲解之可盡其意也

風花酌酒頻

晉白苧歌陽春白日風花香梁簡文

帝詩風散花兮傳馨香虞世南詩驚鳥排林度風花隔水來晉書王徽之傳嘗居山陰夜雪初霽月色清朗四望皓然獨酌酒詠左思招隱詩鮑照詩酌酒以自寬列子尹生從列子居因問請斲其術十反而不告尹生退數月又往從之列子曰汝何去來之頻

年華已可樂

庾信詩年華改歲陰遊客喜登臨陳叔達

詩金鋪照春色玉律動年華王羲之蘭亭序所以遊目騁懷足以極視聽之娛信可樂也夏侯湛賦春可樂兮

樂東作之良時楊惲報孫會宗書人生行樂耳

高興復留人

殷仲文詩獨有清秋日能使高興盡

庾信賦小山則叢桂留人扶風則長松繫馬陳後主詩留人不留人不留人也去

王維

山居秋暝

舊唐書王維傳晚得宋之問藍田別墅在輞口輞水周於堂下竹洲花嶼

彈琴賦詩

嘯詠終日

空山新雨後

沈佺期詩山空閒開象江靜見游犀張說詩空山寂歷道心生宋玉高唐賦遇天雨

之新霽兮史記竈策傳新雨已天清靜無風播岳閒居賦微雨新晴六合清朗天氣晚來秋辭

沈寢兮天高而氣清魏文帝燕歌行秋風蕭瑟天氣涼庾肩吾詩春寒及晚秋李適詩鳳輦來朝霽鸛林對晚

秋楚辭悲哉明月松間照左思詩明月出雲崖皎皎流秋之為氣也素光沈約高松賦流蓬不息

明月孤懸謝朓高松賦懷風音而送聲當月路而留影宋之問下山歌松間明月長如此君再遊兮復何時

清泉石上流

詩泉流既清曹植洛神賦或戲清流或翔神渚王羲之蘭亭叙又有清流激湍映帶

左右南史蕭思話傳嘗從文帝登鍾山中道有盤石清泉上使於石上彈琴因賜以銀酒鍾謂曰相賞有泉石

間竹喧歸浣女

王維輞川集序余別業在輞川山谷其游止有斤竹嶺竹里館伏知道詩林喧

山鳥動庾信詩浦喧征棹發盧思道詩菱歌不惜唱須待暝歸時述異記夜郎縣其先有女子浣紗忽三節竹

流入足間白帖梁州女郎山張魯女浣衣於石上其浣衣石猶在

蓮動下漁舟

謝靈運詩魚戲

荷花動沈約郊居賦動紅荷於輕浪覆碧葉於澄湖楚辭將運舟而下浮兮顏氏家訓伍員之託漁舟季布之

入廣柳王勃滕王閣序漁舟唱晚響窮彭蠡之濱

隨意春芳歇

梁簡文帝詠柳詩柳枝無極軟

春風隨意來庾信蕩子賦遊塵滿床不用拂細草橫階隨意生陸機詩遊客芳春林春芳傷客心唐太宗詩憑

軾玩春芳楚辭蘋蘩揭而節離兮芳已歇
而不比謝朓詩無論君不歸君歸芳菲歇
劉安招隱士王孫遊兮不歸春草生兮萋
萋又王孫兮歸來山中兮不可以久留
王孫自可留

孟浩然

晚春

二月湖水清

書歲二月東巡守至於岱宗江總詩二月
春暉暉水經注湖水廣闊五百餘里日月

若出沒於其中古詩水清石自見湘中
記湘水至清雖深五六丈見底了了然
家家春鳥鳴雄

解嘲家家自以為稷契洛陽伽藍記壽丘里民間號為
王子坊高臺芳榭家家而築古樂府春鳥翻南飛柳
陽春歌春鳥一轉有千聲詩鳥鳴嚶嚶洛陽伽藍
記景林寺有園多饒奇果春鳥秋蟬鳴聲相續
林花

掃更落

吳均詩林花合復分
顏野王虎立山序林花翻
麗乍飄颻於蘭皋梁昭明太子詩落葉紛可掃

劉希夷代秦女贈行人詩梅花待君掃
吳均詩花落更
霏霏梁元帝詩池紅早花落劉令嫺詩落花掃更合

徑草踏還生

南史孔淳之傳茅室蓬戶庭草蕪徑廬照
隣詩徑草疏王粲荆楚歲時記三月三日

四民踏百草千金月令三月三日
上踏青履謝靈運詩池塘生春草

酒伴來相命

沈約論
酒之為

用非可獨酌宜須用侶然後成歡
公羊傳胥命者相命也曹植詩命儔嘯匹侶列坐竟長筵
陸機詩閒夜命歡

友置酒 迎風館 開樽共解醒

金華山志田家野老提壺共至
班荆林下陳尊置酌漢書禮樂志

泰尊柘漿析朝醒注應劭曰取甘柘汁以為飲也醒病
酒也析解也言柘漿可以解朝醒也晉書劉伶傳天生

劉伶以酒為名一飲一斛五斗解醒梁
元帝劉生詩菊花連夜飲竹葉解朝醒

當杯已入手

晉書

畢卓傳卓曰右手持酒杯左手持蟹螯拍浮酒船中便足了一生矣

鮑照樂府歌妓

舞女今誰在吳均樂府歌姬舞女達天曙梁簡文帝詩從妓新歌終晉書謝安傳安雖放情丘壑然每遊賞必以妓女從南史張欣泰傳聲妓雜藝頗多開解沈君攸夜出妓詩舉扇起歌聲

寒食宴張明府宅

周禮司烜氏仲春以木鐸脩火禁於國中注為季春將出

火也荆楚歲時記去冬節一百五日即有疾風甚雨謂之寒食郭中記寒食三日作醴酪煮粳米及麥為酪擣杏仁煮作粥

瑞雪初盈尺

徐陵雪詩豈若天庭瑞輕雪帶風斜三農喜盈尺六出儼崇花張正見觀春雪詩瑞

雪近浮空虛照臨歌日觀千門隨鳳輦天門瑞雪照龍衣謝惠連雪賦盈尺則呈瑞於豐年又雪賢權陋瑤臺

楚踐
盈尺
寒宵始半更

詩三之日于杞注幽土晚寒疏幽土寒多雖春猶寒也徐陵詩薄夜迎新

節當爐却晚寒王筠宵情詩
月出宵將半星流曉未央

列筵邀酒伴

曹植詩命儔嘯匹侶列坐

竟長筵張協賦羅樽列爵周以長筵宋書樂志高門啟
雙闌長筵列嘉賓謝靈運詩張組眺倒影列筵矚歸潮

謝朓樂府玉杯邀上客沈約七賢論酒之為用非可獨
酌宜須用侶然後成歡史記酈生曰吾高陽酒徒也木

蘭詩出門看火伴劉

刻燭限詩成

南史王泰傳泰每預朝宴刻燭賦詩文不

邀詩逐伴西城路

加點又王僧鷟傳竟陵王子良嘗夜集學士刻燭為詩

四韻者則刻一寸蕭文琰曰頓燒一寸燭而成四韻詩

何難之有乃與立令楷江洪共打銅鉢立韻響滅詩成

皆可觀庾肩吾詩燒香知夜漏刻燭驗更籌隋書周羅

暉傳羅暉為左衛率叅宴席陳後主曰

香炭金爐暖

梁簡

周左率武將詩每前成文士何後也

文帝擬夜夜曲蘭膏晝更益熏爐滅復香徐陵詩奇香
分細霧石炭搏輕紈子夜歌炭爐却夜寒重抱生疊褥
郭中記石季龍冬月為複帳四角安純金銀鏤鑒香爐
陶弘景銘蘭缸列燭金爐飈熏張正見詩名香散綺席
石硯彫金爐駱賓王詩促嬌弦玉指清

梁武帝子夜歌
朱唇發艷歌玉

席鸞鵲滿當爐獸炭然

指弄嬌弦史記小絃魚折以清者相也蔡邕琴賦間闌

九弦出入律呂屈伸低昂十指如雨陸雲榮啟期贊鳴

絃清泛撫節高巖郭璞詩靜嘯撫清絃

厭厭不覺醉詩

孔德紹詩鈞天金石響洞庭絃管清

厭夜飲不醉無歸陶潛詩厭厭竟良月吳志周瑜傳與

周公理交若飲醇醪不覺自醉魏文帝詩酣飲不知醉

謝靈運詩山

歸路曉雲生

陶潛詩行行循歸路謝靈運
詩始得傍歸路范雲詩桂山

中不知醉

清曉雲梁簡文帝詩祈年雲

霧生薛道衡詩石濕曉雲生

沈佺期

九日臨渭亭侍宴應制得長字

荆楚歲時記九月九日四民並

籍野飲宴全唐詩話景龍三年九月九日幸臨渭亭與羣臣作詩

御氣幸金方

莊子來天地之正而御六氣之辨王融三月三日曲水詩序臣聞出豫為象鈞天之

樂張馬時來既位御氣之駕翔焉漢書五行志兌在西方為秋為金玉褒上祥瑞表豈止唐帝沈璧氣合金方

姬后望河形如車蓋
憑高薦羽觴

沈約應詔詩憑高講武則中天起遐蒼齊書武帝紀永明五年

九月九日出商飈館登高宴羣臣齊民月令重陽日必以醪酒登高眺迥以暢秋志蕭子良九日侍宴詩輕觴持薦落英可餐楚辭瑤漿蜜勺寶羽觴此西京賦促中堂之雁生羽觴行而無冀何遜九日侍宴詩羽觴歡湛

露演露露諸家釋羽觴不同惟李善引漢書音義曰作生爵形者是也孟康亦曰羽觴作生爵形有頭尾羽翼

魏文頒菊蕊

魏文帝與鍾繇九日送菊書是月律中無射言羣木百草無有射地而生惟芳菊紛

然獨榮非夫含乾坤之純和體芬芳之淑氣孰能如此輔體延年莫斯之貴謹奉一束以助彭祖之術唐太宗

詩花生

漢武賜萸囊

初學記漢武帝宮人賈佩蘭九月九日佩萸萸食蓬餌飲菊花酒云

令人長壽續齊諧記汝南桓景隨費長房遊學長房謂之曰九月九日汝家當有災厄急宜去令家人各作絳

囊盛茱萸以繫臂登高飲菊酒此禍可消今世人每至九日登山飲菊酒婦人帶茱萸囊是也去鶴留

笙吹

利仙傳王子喬好吹笙作鳳鳴後於緱氏山頭乘白鶴而去王勃序徘徊去鶴將別蓋而同飛沈約

詩簫歌美羸女

歸鴻識舞行

禮記季秋之月鴻鴈來賓謝瞻九日詩遵渚有來鴻

笙吹悅姬童

謝朓詩滅燭聽歸鴻沈約詩送歸鴻於碣石又淒
鏘笙管道參差舞行亂梁簡文帝詩參差鴈行年年

重九慶日月奉天長

陶潛詩年年見霜雪誰謂不知時
又九日間居詩序余間居愛重九

之名秋菊盈園而持醪靡由王筠詩重九惟嘉節抱一
應元貞張華歌節慶代序萬國同休魏文帝與鍾繇書
歲往月來忽逢九月九日九為陽數而日月並應俗嘉
其名以為宜於長久故以享宴高會老子天長地久天
地所以能長且久者以其不自生故能
長生隋書音樂志國圖曰錢家歷天長

春夜宿直

案唐詩紀作和中書侍郎楊再思春
夜宿直陶潛詩遙遙春夜長齊書周

顒傳宋明帝頗好玄理以顒
有辭義引入殿內親近宿直

西禁青春滿

魏書趙脩傳纂業之初仍引西禁按雍錄
唐太極宮圖中書省在西偏安仁門內獨

斷省中本為禁中門閣有禁非侍御之臣不得妄入孝
元皇后父名禁避之故曰省中楚辭青春受謝白日昭
只何晏景福殿賦結實商秋敷華青春何
遜七召詭奇花之春滿摘甘實於夏成

南端皓月微

張衡東京賦啟南端之特闈立應門之將將薛綜注端
門南方正門何晏景福殿賦開南端之豁達張筍虞之
輪幽左思魏都賦巖巖北闕南端攸遵謝莊月賦情紆
軫其何託想皓月而長歌頌延之詩流雲靄青闕皓月
鑒丹宮何承天芳樹篇皓月盈素手涼風拂中閨沈約
安陸昭王碑澤無不漸蜚蟻之穴靡遺明無不察容光
之微

千廬宵駕合

傅咸桑樹賦序世祖昔為中壘將軍
於直廬種桑樹一株張衡西京賦微

道外周千廬內附注傳宮外向為廬舍晝則巡行非常
夜則警備不虞史記平原君傳虞卿欲以信陵君之存
邯鄲為平原君請封公孫龍聞之夜駕見平原君陸機
樂府肅肅宵駕動翩翩翠蓋羅梁簡文帝京洛詩此時

車馬合茲晨冠蓋通

五夜曉鐘稀

漢官儀晝漏盡夜漏起者中黃門持五夜五夜者甲夜乙夜丙

夜丁夜戊夜陸陸新漏刻銘六日無辨五夜不分孔德紹詩曉流看夜月臨風聽曉鐘徐陵玉臺新詠序厭長

樂之疎鐘勞

星斗橫綸閣

禮斗威儀審候五色注北斗七星有五色宮商角徵羽各

中宮之緩箭

應其星晉書元帝紀論星斗呈祥金陵表慶蕭慙詩鈞

陳應警微河漢曉參橫晉書天文志天津九星橫河中

晉書王湛等傳詩或寄重文昌允釐

天河度瑣闌

詩倬彼雲

於衮職或任華綸閣密勿於王言

漢昭回于天箋謂天河也博物志天河與海通物理論

水之精氣上浮宛轉隨流名之曰天河范雲與王中書

詩攝官青瑣閣遙望鳳凰

烟花章奏裏

鮑照疏枯楊寒炭遂起烟花洛

池爾雅宮中門謂之闌

陽伽藍記姜實賦曰烟花霧草或傾或倒漢書魏相傳

相明易經好觀漢故事及便宜章奏注觀前人所奏便

宜之章後漢書明帝紀公車以反支日不受章奏帝曰
民廢農桑來詣闕而復拘以禁忌豈為政之意乎命蠲
其制又班彪傳竇融徵還京師光武問曰所
上章奏誰與參之融對曰皆從事班彪所為
飛唐書沈佺期傳拜起居郎兼修文館直學士漢舊儀
黃門郎屬黃門今日暮入對青瑣闌拜名夕郎梁元
帝牛渚磯碑花飛拂袖荷香入衣張正
見藉田詩草發青壇外花飛蒼玉邊

孟浩然

寒夜

閨夕綺窓閉

謝忠連詩夕坐苦多慮行歌踐閨中節鏗
月夜閨中詩閨中日已暮樓上月初華徐

彥伯擬古詩晚窓吟日坐閨夕秉燭遊夏侯惠景福殿
賦仰觀綺窓周覽菱荷左思蜀都賦列綺窓而瞰江古

詩十九首交疏結綺窓阿閣三重階
佳人罷縫衣淮南子佳

人不同體美人不同面而皆悅於目李延年歌北方有
佳人長門賦夫何一佳人兮步逍遙以自虞洛神賦嗟
佳人之信脩兮羗習禮而明詩隋無名氏四絃曲陰山
瀚海使難通幽閨少婦罷裁縫虞世南詩還恐裁縫罷
無信達交河樂府古辭不惜故縫衣荀朂詩中婦
縫羅衣梁簡文帝詩何時玉窓裏夜夜更縫衣
理琴

開寶匣

續齊諧記王彥伯善鼓琴一日維舟中渚秉燭
理琴嵇康琴賦理重華之遺操慨遠慕而長想

盧思道從駕詩大川開寶匣福地下金繩北堂
書鈔魏武上雜物疏云御物有銀鏤漆匣四枚
就枕卧

羅幃

張華詩拊枕獨嘯嘆梁簡文帝詩北窓聊就枕沈
約詩就枕更須寧又愁人掩軒卧風賦躋於羅幃

經於洞房范雲詩自君
夜久燈花落
鮑照詩夜久膏既
之出矣羅帳咽秋風
竭啟明旦未央隋

煬帝詩更移斗柄轉夜久天河橫西京雜記陸賈曰日
暝則得酒食燈火花則得錢財梁元帝賦燈花開而夜
燃王筠詩蘭燈空結花江總賦百枝
燈花復羞燃又詩鯨燈落花殊未盡
薰籠香氣微東宮舊事

有法畫薰籠二大被薰籠三衣薰籠三劉琰詩繡被共
籠薰陳子良詩拂塵開扇匣卷帳却薰籠梁簡文帝詩
薰爐滅復香陳後主樂府迎風香氣來庾信對燭花
賦夜風吹香氣隨黃庭內景經三田之中精氣微
錦

衾重自煖

詩錦衾爛兮古詩十九首錦衾遺洛浦同袍
與我違鮑照詩七綵芙蓉之羽帳九華蒲萄

之錦衾張華詩重衾無煖氣陸機詩朝遊忘輕羽夕息
憶重衾南史謝超宗傳超宗詣東府門自通其日風冷
帝曰此客至使人不衣自
煖沈約詩錦衾無獨煖
遮莫曉霜飛搜神記燕惠王墓上有狐化為

少年書生持刺謁張華談論三日不屈華疑必妖也呼
獵犬試之笑曰我之才智天地產之遮莫千試萬慮其

能為患乎謝靈運詩晚霜楓葉丹禽經
霜蜚則霜露翦則露七命風厲霜飛

杜甫

數陪李梓州泛江有女樂在諸舫戲為艷曲

甫

送梓州李使君之任詩近看除刺史還喜得
吾賢元和志梓州秦為蜀郡漢分置廣漢郡
今州即廣漢郡郡廣漢二縣地宋於此置新
城郡梁於郡置新州隋改梓州因梓潼水為
名又涪江水經郫縣東去縣四里唐書地理
志梓州梓潼郡天寶元年更名通典州城左
帶涪水右挾中江太平寰宇記中江水在縣
西南三里源從元武縣東界流入當縣西南
八十里入涪江方輿紀要涪江在州城北自
錦州羅江縣流經州城西北又東南流經州

城東歷射洪縣及遂寧縣至重慶府合州而合於嘉陵江又鄆江在州城西南源自中江縣銅官山流至廢飛鳥縣會衆流繞牛頭山下又東南經射洪縣至遂寧縣界而合於涪江其合處謂之鄆口後漢書馬融傳嘗坐高堂施絳紗帳前授生徒後列女樂南史羊侃傳嘗有詔命侃延陽裴同宴賓客三百餘人食器皆金玉雜寶奏三部女樂蔡要古艷曲有北里靡靡陽阿之曲

上客迴空騎

史記晏嬰傳越石父賢晏子於是延入為上客漢書樓護傳護與谷永俱為王侯上

客庾肩吾詩蘭堂上客至綺席清弦撫阮卓長安道詩羣公騎御迴王勃詩歸舟歸騎儼成行

佳人滿

近船

淮南子佳人不問體而皆悅於目曹植洛神賦嗟佳人之信脩兮羌習禮而明詩阮籍詠懷詩西方

有佳人皎若白日光張九齡

江清歌扇底

孟浩然詩江清月近人李

白詩晚登高樓上木落雙江清庾信春賦月入歌扇花承節鼓劉孝威詩池月憐歌扇張正見詩歌扇不團紗

盧照隣詩鸞

野曠舞前衣

謝靈運詩野曠沙岸淨天高秋月明江淹詩時寒原野曠

沉仙鏡底

庾信詩飛燕舞衣長盧照隣詩風花落舞衣陰鏗詩花落舞衫前

玉袖凌風並

古樂府西洲曲

關千十二曲垂手明如玉鮑照白紵歌未唇動素袖舉

梁簡文帝詩風吹玉袖香洞冥記漢宮人麗媚體弱常恐隨風輕舉唱迴風曲庭葉翻落如秋陶潛詩

亭亭凌風桂八幹共成林又甫詩隔巢黃鳥並

金壺隱

浪偏

拾遺記浮圖之國獻善書二人出肘間金壺四寸吳均詩文酒滿金壺郭璞江賦馮夷倚浪以傲睨

又甫詩順浪翻堪倚宇

競將明媚色

焦仲卿妻詩好事相扶將又甫詩楚

文融詩俱承雨露偏

客惟聽棹相將劇談錄曲江池花卉環周烟水明媚鮑
照笑容賦蝶形輝之明媚陶潛閑情賦表傾城之艷色
梁簡文帝詩
繁華炫姝色
偷眼艷陽天
杜陽雜編李可及善轉喉舌
弄媚眼
梁武帝四時歌賣眼
拂長袖又甫詩偷眼蜻蜓避伯勞鮑照詩當避艷陽年
注艷陽春也張九齡詩幸因清切地還遇艷陽時張說
詩鴻飛
白露天

盧照隣

十五夜觀燈

藝文類聚漢家以望日祀太乙從
昏時到明今人正月望日夜遊觀

豈是其

遺跡

錦里開芳宴

梁簡文帝對蜀賦
朱萸帽裏鋪錦筵
庾信馬射賦
綵則錦市俱移錢則銅山合從按

照隣未嘗入蜀此錦里泛指豪貴里第非
蜀之錦里也詩旌詩嘉樂舊矣芳宴在斯
蘭缸艷早年

王融詩但願置尊酒蘭缸當夜明舊唐書音樂志每初

年望夜御勤政樓觀燈作樂庾信春賦新年鳥聲千種

轉
縹彩遙分地任昉王文憲集序公自幼及長作述不

縹彩而已哉晉書夏侯湛嘗稱弄翰縹彩則煥禮記

分地建國置都立邑陶弘景水仙賦中天起浪分地馮

波
繁光遠綴天史記卦稱古天子始郊拜太乙列火滿

天傳休矣詩枝燈若火樹庭燎繼天光梁元帝詠霧詩

五里浮長隰三辰晦遠天張正見詩高柳橫遙塞長榆

接遠
接漢疑星落唐太宗帝京篇連甍遙接漢庾信賦

天
辨常星之夜落又燈賦蛾飄則碎花

亂飛風起則
依樓似月懸梁元帝詩楊柳非花樹依樓

流星細落

自覺春晉書陸機傳論高詞

迴映似朗月之懸光沈約高松賦流蓬不息明
月孤懸盧思道詩初月正如鈎懸光入綺樓

別有千

金笑

車轂詩別有傾人處佳處夜相逢陳子良詩何必
桃將李別有代春暉鮑照詩千金顧笑買芳年庚

信詩無復千金

來映九枝前

郭璞贊光彩流映氣如紅霞庾肩吾詩團沙映似月

笑徒勞五日歸
蟬翼望如空梁簡文帝阻歸賦攝九枝而耀景總六翮
以搏風元帝詩邯鄲九枝朝始成金卮玉盃共君傾王
筠燈檠詩百花曜
九枝鳴鶴映冰池

劉長卿

幽琴

禮記舜作五弦之琴以歌南風之詩而天
下治新論神農氏削桐為琴繩絲為弦以

通神明之德合天人之和焉廣雅神農氏琴
長三尺六寸六分上有五弦曰宮商角徵羽

文王增二弦曰少宮少商風俗通琴者樂之
統與八音並行君子所常御也和樂作者其
曲曰暢言其道暢美也憂愁作
者其曲曰操言不失其操也

月色滿軒白

江淹別賦月上軒而飛光揚希道詩南軒
月初進李白詩楚就東山賒月色酣歌一

夜送泉明王褒閨山月天寒光
轉白李白詩黃鶴樓前月華白

琴聲宜夜聞

禮記君子
聽琴瑟之

聲則思志義之臣按神記吳人有燒桐以爨者蔡邕聞
其煨聲曰此良桐也請削以為琴因名焦尾琴有殊聲
焉嵇康琴賦英聲發越蔡琰胡笳十八拍更深夜闌兮
夢汝來斯王昌齡詩高殿秋砧響夜闌杜甫詩夜闌接
軟颼颼青絲上

博雅颼颼風也嵇康琴賦弦以園靜聽
客之絲岑參詩嬌歌急管雜青絲靜聽

松風寒

劉伶酒德頌靜聽不聞雷霆之聲鮑照書靜聽
無聞極視不見風俗通河間雜歌二十一內有

風入松南史陶弘景傳弘景愛松風庭院皆植松每聞其響欣然為樂蕭詮詩深澗響松風薛道衡詩松風遠更清劉希夷夏彈琴詩彈為風入松崖谷颯已秋

古調雖自愛

隋書音樂志近代書記所載縹

樂鼓琴吹笛之法多云三調三調之聲其來久矣請存三調而已杜審言詩忽聞歌古調歸思欲沾巾老子聖人自知不自見今人多不彈

杜甫詩不薄今人愛古人鮑照詩取琴試一彈沈炯

詩為我向君投此曲古詩誰能為此曲嵇康琴賦理正彈清琴

聲奏妙曲庾信詩方調琴上曲

所貴知音難

韓詩外傳孔子鼓琴曾子曰殆有貪狼之志邪僻之行子貢以告子曰參其習知音

笑向者有鼠出遊狸見於屋循梁微行造焉而避厭目曲脊求而不得立以琴淫其聲參以立為貪狼邪僻不亦宜乎列子伯牙鼓琴志在高山鍾子期曰峩峩然若泰山志在流水曰洋洋然若江河子期死伯牙絕弦以

無知音者古詩不惜歌者苦但傷知音希王褒
洞簫賦知音者樂而悲之不知知音者恠而偉之

王維

從岐王夜燕衛家山池

唐書宗室傳惠文太子
範封王岐好學工書愛

儒士無貴賤為盡禮與間朝隱等善常飲酒
賦詩相娛樂詩厭厭夜飲不醉無歸謝莊月
賦君王乃厭晨歡樂宵燕齊書劉俊傳車駕
數幸俊宅宅盛脩山池世祖宴樂至夜乃去

座客香貂滿

後漢書孔融傳融拜大中大夫賓客日盈
其門常歎曰座上客恒滿尊中酒不空吾

無憂矣江總詩
香貂拜敝裘

宮娃綺幃張

王勃採蓮賦吳娃越艷齊
書帝紀後宮更起仙華諸

殿錦幔珠簾窮極綺麗
七改革燭爛帷幃張

澗花輕粉色

梁武帝詩花色過
桃杏陳後主詩水

中花色沈李嶠詩花庭開粉席梁元帝和林下詠姬
詩輕花亂粉色駱賓王詩秋帳燈光翠倡樓粉色紅山

月少燈光

謝朓詩山中上芳月故人清樽賞別賦月上
軒而飛光曹植樂府華燈步障舒光劉楨詩

明燈熒炎光沈約詩燈光半積翠紗窓暗沈約詩連峯

隱床庾肩吾詩夜月奪燈光積翠紗窓暗沈約詩連峯

遠微微蕭子鈞詩山翠餘烟積蘇頲詩山光積翠遙疑

逼劉孝威詩紗窓相向開庾信賦紗窓獨掩羅帳常垂

劉孝綽詩日飛泉繡戶涼陸機詩飛泉漱鳴玉郭璞詩

下房櫳暗飛泉繡戶涼陸機詩飛泉漱鳴玉郭璞詩

秦望山山有飛泉迥起學舍即林成援因巖為堵唐太

宗詩幽澗冬暄飛泉夏冷鮑照賦瞰東西之繡戶梁武

帝樂府幕幕繡戶絲沈約詩鳴珠簾還將歌舞出詩式

於繡戶王勃賦繡戶雕窓南向開還將歌舞出詩式

舞左傳文王之功天下誦而歌舞之沈佺期詩歸路莫

併將歌舞報恩暉又正逢鸞與鶴歌舞出天來歸路莫

愁長

陶潛詩行行循歸路沈佺期詩歸路烟霞晚宋之問詩歸路滿笙歌謝朓詩行矣倦路長無由稅歸

鞅

和尹諫議史館山池

全唐詩注開元二十年道士尹愔為諫議大夫知史

館事故詩有莫上空虛之句唐書百官志門下省左諫議大夫四人正四品下掌諫諭得失侍從贊相中書省右諫議大夫四人掌如門下省史館脩撰四人掌脩國史貞觀三年置史館於門下省南齊書到撫傳撫資藉豪富宅宇山池皆窮上品

雲館接天居

左思吳都賦寒暑隔闕於邃宇虹蜺迴帶於雲館郭璞蓬萊山贊蓬萊之山玉碧構

林金臺雲館鵠哉獸禽謝朓遊後園賦敞風闥之藹藹聳雲館之迢迢蔡邕述行賦皇家赫赫而天居顏延之

白鸛鵲賦既達美於天居亦麗景於雲阿鮑照舞鶴賦
仰天居之崇絕更惆悵以驚思徐陵太極殿銘天居爽
瑄大寢
尊嚴
霓裳侍玉除
楚辭青雲衣兮白霓裳舉長矢兮
射天狼曹植樂府披我丹霞衣襲

我素霓裳又詩凝霜依玉除清風飄飛閣鮑照白守歌
垂璫散佩盈玉除喬脩詩墜露清金殿流螢點玉除

春池百子外

梁元帝春賦苔染池而盡綠桃含山而併
紅王筠詩春生雁驚池陳後主詩春池已

渺漫高枝已從森西京雜記漢宮七夕
臨百子池以五色縷相羈謂之相連愛芳樹萬年餘

詩芳樹垂綠葉清雲自逶迤陸機詩嘉穀垂重穎芳樹
發華顛西京雜記上林苑有萬年長生樹白銀樹黃銀

樹扶老木守宮槐謝朓詩風動萬年枝日華
承露掌沈約詩高梨有鉅實何減萬年枝洞有仙人

錄

徐陵天台徐法師碑金繩玉版受謁帝之符龍駕霓
裳處仙宮之錄瀨鄉記老子母碑云老子把持仙錄

玉簡金字編以白銀紀善綴惡陳子昂詩鳳龜仙人錄
鸞歌素女琴書經籍志道經受道之法初受五千文

錄次受三洞錄次受洞玄錄次受上清

山藏太史書

史記

錄錄皆素書記諸天曹官屬佐吏之名

司馬遷自序厥協六經異傳整齊百家雜語藏之名山

副在京師俟後世聖人君子又老子傳注老子為柱下

史即藏書之柱下因以為官名漢書司馬

君恩深漢帝

遷傳遷為太史令細史記石室金匱之書

詩天子萬年疏臣蒙君恩無以報答故願君長壽而已

庾信謝齊徐布啟陳留下粟有愧深思櫟陽雨金翻慙

曲施又步虛詞漢帝看桃核齊侯問棗

且莫上空虛

法苑

花楊炯詩漢帝求仙日相如作賦才

珠林頂生王欲升忉利即與羣臣踏虛登上江淹詩若

茗寄意勝不覺凌虛上楊巖經彼太虛空日照則明雲

屯則暗風搖則動霄澄則清氣凝則濁土積成靈水澄

成映揚雄羽獵賦騰空虛距連卷東方朔別傳朔謂同

舍郎曰天下人無能知朔知朔者惟太王公耳朔卒後武帝召太王公問之曰諸星俱在否曰諸星俱在獨不見歲星十八年今復見耳帝嘆曰東方朔在朕傍十八年而不知是歲星哉

李白

昌禪師山池

客來花雨際

易有不速之客三人來五燈會元須菩提尊者在巖中宴坐諸天雨花讚嘆庾信詩

花雨積

秋水落金池

莊子秋水時至百川灌河庾信詩秋水帶沙落陳後主詩沙長見水

為臺

落梁元帝棲霞寺碑

金池無底已通寶璽

片石寒青錦

之側宋之問詩寶鐸搖初霽金池映晚沙

朝野僉裁溫子昇作韓陵山寺碑庾信讀而寫之曰惟有韓陵一片石堪共語庾信詩河邊一片石南岳記仙

人壇青石而有白石文拾遺記員嶠之山東有雲石駁落如錦陰鏗石詩苔駁錦文疏又石紋如碎錦庾信詩

錦石寒

踈楊挂綠絲

說文楊蒲柳也蕭憺詩楊柳月中踈繁欽柳賦交綠葉而重葩轉紛

砧面

錯以扶踈王褒渚池詩垂楊夾浦綠水經注弱柳陰街

絲楊被浦庾信詩衰柳挂殘絲唐太宗臨池柳詩岸曲

絲陰聚波

高僧拂玉塵

廬山記惠遠集一時名士高僧於般若臺世說王衍每執玉柄

移帶影踈

塵尾與手同色南史張譏傳陳後主造玉柄塵尾曰當

今雖復名士如林堪捉此者惟張譏耳王導塵尾紹拂

穢清暑虛

童子獻霜梨

詩童子佩觿永嘉記青田村有梨一株名曰官梨以供獻齊民

心以俟

安術藏梨法初霜後即收於屋下

惜去愛佳境

謝靈運詩欲去

掘作深坑收梨置中便得經夏

情不忍庾信詩郊間光

烟蘿欲暝時

詩爲與女蘿踈蘿菟絲夢連草上生

景佳世說漸入佳境

黃亦如金洛陽伽藍記高林巨樹足使日月蔽虧懸葛
垂蘿能令風烟出入迴照賦丹蘿籠紫烟虛思道採蓮
曲菱歌惜不唱
欲待暝時歸



御選唐詩卷十二



總校官庶吉士臣張能照

校對官檢討臣郭寅

謄錄監生臣馬嗣全